

特牲饋食禮

天神

少牢饋食

地示

有司徹

百神

諸侯遷廟

宗廟

諸侯鬯廟

祭法

儀禮

十七卷二十五
續

儀禮經傳續卷第十七

特牲饋食禮

祭禮一

經十五

特牲饋食之禮不諏日及筮日主人冠端玄即位于門外西面子姓兄弟如主人之服立于主人之南西面北上有司群執事如兄弟服東面北上席于門中闌西闌外筮人取筮于西塾執之東面受命于主人宰自主人之左贊命命曰孝孫某筮來日某諏此某事適其皇祖某子尚饗筮者許諾還即席西面坐卦者在左卒筮寫卦筮者執以示主人主人受視反之筮者還東面長占卒告于主人占曰吉若不吉則筮

遠日如初儀宗人告事畢

右筮日

前期三日之朝筮尸如求日之儀命筮曰孝孫某諷此某事適其皇祖某子筮某之某為尸尚饗

右筮尸

乃宿尸主人立于尸外門外子姓兄弟立于主人之後北面東上尸如主人服出門左西面主人辟皆東面北上主人再拜尸答拜宗人擯辭如初卒曰筮子為某尸占曰吉敢宿祝許諾致命尸許諾主人再拜稽首尸入主人退

右宿尸

宿賓賓如主人服出門左西面再拜主人東面答再拜宗人擯曰某薦歲事吾子將泣之敢宿賓曰某敢不敬從主人再拜賓答拜主人退賓拜送

右宿賓

厥明夕陳鼎于門外北面上甯檜在其南南順實馱于其上東首牲在其西北首東足設洗於阼階東南壺禁在東序豆籩鉶在東房南上几席兩敦在西堂主人及子姓兄弟即位于門東如初賓及眾賓即位于門西東面北上宗人祝立于賓西北東面南上主人再拜賓答再拜三拜眾賓眾賓答再拜主人揖入兄弟從賓及眾賓從即位于堂下如外位宗人升

自西階視壺濯及豆籩反降東北面告濯具賓出主人出皆復外位宗人視牲告充雍正作豕宗人舉獸尾告備舉鼎鼎告絜請期曰羹飪告事畢賓出主人拜送

右陳鼎鼎拜賓視牲告期○記設洗南北以堂深東西當東滌水在洗東籩在洗西南順實二爵二觚四觶一角一散壺於禁饌于東序南順覆兩壺焉蓋在南明日卒奠冪用綌即位而徹之加勺

夙興主人服如初立于門外東方南面視側殺主婦視饌爨于西堂下享于門外東方西面北上羹飪實鼎鼎陳于門外如初尊于戶東玄酒在西實豆籩綏

于房中如初執事之俎陳于階間二列北上盛兩敦陳于西堂藉用萑几席陳于西堂如初尸盥匱水實于槃中簾巾在門內之右祝筵几于室中東面主婦纒笄宵衣立于房中南面主人及賓兄弟羣執事即位于門外如初宗人告有司與主人拜賓如初揖入即位如初佐食北面立於中庭

右祭曰夙興主人主婦陳設拜賓即位○記特牲饋食其服皆朝服玄冠緇帶緇鞞唯尸祝佐食玄裳黃裳雜裳可也皆爵鞞○牲爨在廟門外東南魚腊爨在其南皆西面饌爨在西壁○籩巾以綌也纒裏棗永栗擇○綏芼用苦若微皆有滑夏葵

不首

主人及祝升祝先入主人從西面于戶內主婦盥于房中薦兩豆葵菹菹醢醢在北宗人遣佐食及執事盥出主人降及賓盥出主人在右及佐食舉牲鼎賓長在右及執事舉魚腊鼎除鼎宗人執畢先入當阼階南面鼎西面錯右人抽扃委于鼎北贊者錯俎加七乃北佐食升所俎鼎之設於阼階西卒載加七于鼎主人升入復位俎入設于豆東魚次腊持于俎北主婦設兩敦黍稷于俎南西上及兩鉶芼設于豆南南陳祝洗酌奠奠于鉶南遂命佐食啓會佐食啓會卻于敦南出立于西南面主人再拜稽首祝在左卒

祝主人再拜稽首

右主人主婦及祝佐食陳設陰厭○記棘心七刻○凡祝呼佐食許諾○所俎心舌皆去本末午割之實于牲鼎載心立舌縮俎

祝迎尸于門外主人降立于阼階東尸入門左北面盥宗人授巾尸至于階祝延尸尸升入祝先主人從尸即席坐主人拜安尸尸答拜執奠祝饗主人拜如初祝命接祭尸在執解右取菹揆于醢祭于豆間佐食取黍稷肺祭授尸尸祭之祭酒啐酒告旨主人拜尸奠解答拜祭鉶嘗之告旨主人拜尸答拜祝命爾敦佐食爾黍稷於席上設大羹湆于醢北舉肺脊以

授尸尸受振祭齊之左執之乃食食舉主人羞所俎于腊北尸三飯告飽祝脩主人拜佐食舉幹尸受振祭齊之佐食受加于所俎舉獸幹魚一亦如之尸實舉于菹豆佐食羞庶羞四豆設于左南上有醢尸又三飯告飽祝脩之如初舉骼及獸魚如初尸又三飯告飽祝脩之如初舉肩及獸魚如初佐食盛所俎俎釋三个舉肺脊加于所俎反黍稷于其所主人洗角升酌醕尸尸拜受主人拜送尸祭酒啐酒賓長以肝從尸左執角右取肝揆于鹽振祭齊之加于菹豆卒角祝受尸角曰送爵皇尸卒爵主人拜尸答拜

右迎尸正祭○記沃尸盥者一人奉槃者東面執

匱者西面淳沃執巾者在匱北宗人東面取巾振之三南面授尸卒執巾者受○尸入主人及賓皆辟位出亦如之○尸俎右肩臂臠肫胙正脊二骨橫脊長脅二骨短脅膚三離肺一剝肺三魚十有五腊如牲骨

祝酌授尸尸以醋主人主人拜受角尸拜送主人退佐食授接祭主人坐左執角受祭祭之祭酒啐酒進聽嘏佐食搏黍授祝祝授尸尸受以菹豆執以親嘏主人主人左執角再拜稽首受復位詩懷之實于左袂挂于季指卒角拜尸答拜主人出寫嗇于房祝以籩受

右尸醋主人

筵祝南面主人酌獻祝以拜受角主人拜送設菹醢
俎祝左執角祭豆與取以坐示饗之典加于俎坐祭
酒啐酒以肝從祝左執以右取肝揆于鹽振祭饗之
加于俎卒角拜主人答拜受以酌獻佐食佐食北面
拜受角主人拜送佐食坐祭一角拜主人答拜受角
降反于篚升入復位

右主人獻祝佐食○記祝俎髀脰脊二骨脅二骨
膚一離肺一○佐食俎斂折脊脅膚一離肺一
主婦洗爵于房酌亞獻尸尸拜受主婦北面拜送宗
婦執兩籩戶外坐主婦受設于敦南祝贊籩祭尸受

尔之祭酒啐酒兄弟長以燔從尸受振祭饗之反之
羞燔者受加于所出尸卒爵祝受爵命送如初

右主婦亞獻尸

酢如主人儀主婦適房南面佐食按祭主婦左執爵
右撫祭祭酒啐酒入卒爵如主人儀

右尸酢主婦

獻祝籩燔從如初儀及佐食如初卒以爵入于房

右主婦獻祝及佐食

賓三獻如初燔從如初爵止

右賓長獻尸爵止

席于戶內主婦洗爵酌致爵于上主人拜受爵主婦

拜送爵宗婦贊豆如初主婦受設兩豆兩邊俎入設
主人左執爵祭薦宗人贊祭奠爵興取肺坐絕祭齊
之興加于俎坐挽手祭酒啐酒肝從左執爵取肘換
于鹽坐振祭齊之宗人受加于俎燔亦如之興席末
坐卒爵拜主婦答拜受爵酌醋左執爵拜主人答拜
坐祭立飲卒爵拜主人答拜

右主婦致爵于主人受爵酌醋○阼俎臂正脊二
骨橫脊長脅二骨短脅膚一離肺一

主婦出反于房主人降洗酌致爵于主婦席于房中
南面主婦拜受爵主人西面答拜宗婦薦豆俎從獻
皆如主人主人更爵酌醋卒爵降實爵于篚入復位

右主人致爵于主婦更爵酌醋○記主婦俎斲折
其餘如阼俎

三獻作止爵尸卒爵酌酌獻祝及佐食洗爵酌致于
主人主婦燔從皆如初更爵酌于主人卒復位

右賓作尸止爵及獻祝佐食主人主婦等

主人降阼階西面拜賓如初洗賓辭洗卒洗揖讓升
酌西階上獻賓賓北面拜受爵主人在右答拜薦脯
醢設折俎賓左執爵祭豆奠爵興取肺坐絕祭齊之
興加于俎坐挽手祭酒卒爵拜主人答拜受爵酌酢
奠爵拜賓答拜主人坐祭卒爵拜賓答拜揖執祭以
降西面奠于其位如初薦俎從設衆賓升拜受爵

坐祭立次薦俎設于其位辯主人備谷拜焉降實爵
籩

右獻賓及眾賓○記賓與長兄弟之薦自東房其
餘在東堂○公有司門西北面東上獻次眾賓私
臣門東北面西上獻次兄弟并受降飲宗人獻與
旅齒於眾賓佐食於旅齒於兄弟○賓饔長兄弟
及宗人折其餘如佐食俎眾賓及眾兄弟內賓宗
婦若有公有司私臣皆殺胥膚一離肺一

尊兩壺於阼階東加勺南枋西方亦如之主人洗解
酌于西方之尊西階前北面酬賓賓在左主人奠解
拜賓谷拜主人坐祭卒解拜賓谷拜主人洗解賓辭

主人對卒洗酌西面賓北面拜主人奠解于薦北賓
坐取解還東面拜主人谷拜賓奠解于薦南揖復位
右堂下設尊酬賓賓奠解

主人洗爵獻長兄弟于阼階上如肩儀洗獻眾兄弟
如眾賓儀

右堂下獻長兄弟眾兄弟○記長兄弟及宗人折
其餘如佐食俎眾兄弟若有公有司私臣皆殺胥
膚一離肺一○賓與長兄弟之薦自東房其餘在
東堂○私臣門東北面西上獻次兄弟

洗獻內兄弟于房中如獻眾兄弟之儀主人西面谷
拜更爵酢卒爵降實爵于籩入復位

右獻內賓宗婦于房中○記尊壺于房中西隅下
南上內賓立于其北東面南上宗婦北堂東面北
上○內賓宗婦皆敎胥膚一離肺一○宗婦贊薦
者執以坐于戶外授主婦
長兄弟洗觚為加爵如初儀不及佐食洗致如初無
從

右長兄弟為加爵

衆賓長為加爵如初爵止

右衆賓長為加爵爵止

嗣舉奠盥入北面再拜稽首尸執奠進受復位祭酒
啐酒尸舉肝舉奠左執觶再拜稽首進受肝復位坐

食肝卒解拜尸備盂拜焉舉奠洗酌入尸拜受舉奠

盂拜尸祭酒啐酒奠之舉奠出復位

右嗣舉奠○記嗣舉奠佐食設豆鹽

兄弟弟子洗酌于東方之尊阼階前北面舉觶于長
兄弟如主人酬賓儀

右弟子舉觶于長兄弟

宗人告祭胥乃羞賓坐取觶阼階前北面酬長兄弟
長兄弟于右賓奠觶拜長兄弟卒拜賓立卒解酌于
其尊東面立長兄弟拜受觶賓北面盂拜揖復位長
兄弟西階前北面衆賓長左受旅如初長兄弟卒解
酌于其尊西面立受旅者拜受長兄弟北面盂拜揖

復位衆賓及衆兄弟交錯以辯皆如初儀爲加爵者
作止爵如長兄弟之儀長兄弟酬賓如賓酬兄弟之
儀以辯卒受者實解于篚賓弟子及兄弟弟子洗各
酌于其尊中庭北面西上舉觶于其長奠觶拜長皆
各拜舉觶者祭卒解拜長皆各拜舉觶者洗各酌于
其尊復初位長皆拜舉觶者皆奠觶于薦右長皆執
以興舉觶者皆復位各拜長皆奠觶于其所皆揖其
弟子弟子皆復其位爵皆無筭

右旅酬及無筭爵○記宗人獻與旅齒于衆賓佐
食於旅齒於兄弟○主婦及內賓宗婦亦旅西面
利洗散獻于尸酢及祝如初儀降實散于篚主人出

立于戶外西南

右尸卒食○記尸卒食而祭饔饗雍饗

祝東面吉利成尸設祝前主人降祝反及主人入復
位命佐食徹尸俎俎出于廟門

右事尸禮畢○記賓從尸俎出廟門乃反位

徹庶羞設于西序下筵對席佐食分簋鉶宗人遣舉
奠及長兄弟盥立于西階下東面北上祝命嘗食養
者舉奠許諾升入東面長兄弟對之皆坐佐食授舉
各一膚主人西面再拜祝曰暮有以也兩暮奠舉于
俎許諾皆各拜若是者三皆既舉祭食祭舉乃食祭
鉶食舉卒食主人降洗爵宰贊一爵主人升酌酌上

養上養拜受爵主人各拜酌下養亦如之主人拜祝
曰酌有與也如初儀兩養執爵拜祭酒卒爵拜主人
各拜兩養皆降實爵于篚上養洗爵升酌酌主人主
人拜受爵上養即位坐各拜主人坐祭卒爵拜上養
各拜受爵降實于篚主人出立于戶外西面

右養

祝命徹昨俎豆籩設于東序下祝執其俎以出東面
于戶西宗婦徹祝豆籩入于房徹主婦薦俎

右徹俎將用之為燕

佐食徹尸薦俎敷設于西北隅几在南扉用筵納一
尊佐食闔牖戶降祝告利成降出主人降即位宗人

告事畢賓出主人送于門外再拜佐食徹昨俎堂下
俎畢出

右改饌西北隅陽厭

儀禮經傳續卷第十八

少牢饋食禮

祭禮二

經十六

少牢饋食之禮日用丁巳筮甸有一日筮于廟門之外主人朝服西面于門東史朝服左執筮右抽上韉兼與筮執之東面受命于主人主人曰孝孫某來日丁亥用薦歲事于皇祖伯某以某妃配某氏尚饗史曰諾西面于門西抽下韉左執筮右兼執韉以擊筮遂述命曰假爾大筮有常孝孫某來日丁亥用薦歲事于皇祖伯某以某妃配某氏尚饗乃釋韉立筮卦者在左坐卦以木卒筮乃書卦于木示主人乃退占

吉則史贊筮史兼執筮與卦以告于主人占曰從乃
官戒宗人命滌宰命為酒乃退若不吉則及遠日又
筮日如初如圖大筮亦如之其來日丁亥用為歲
宿前宿一日宿戒尸明日朝筮尸如筮日之禮命曰
孝孫某來日丁亥用為歲事于皇祖伯某以某妃配
某氏以某之某為尸尚饗筮卦占如初吉則乃遂宿
尸祝擯主人再拜稽首祝告曰孝孫某來日丁亥用
薦歲事于皇祖伯某以某妃配某氏敢宿尸拜許諾
主人又再拜稽首主人退尸送揖不拜若不吉則遂
改筮尸

右筮尸宿尸及宿諸官

既宿尸反為期于廟門之外主人門東南面宗人朝
服北面曰請祭期主人曰比於子宗人曰日明行事
主人曰諾乃退

右宗人請祭期

明日主人朝服即位于廟門之外東方南面宰宗人
西面北上牲北首東二司馬執羊司士擊豕宗人告
備乃退雍人概鼎七俎于雍鬯雍鬯在門東南北上
廩人概甑臠七與敦于廩鬯廩鬯在雍鬯之北司宮
概豆籩勺爵觚解凡洗篚于東堂下勺爵觚解實于
篚卒概饌豆籩與篚于房中放于西方設洗于阼階

東南當東祭

右視殺視濯

羹定雍人陳鼎五三鼎在羊鑊之西二鼎在豕鑊之西司馬升羊右胖髀不升肩臂臠膊髀正脊一脰脊一橫脊一短脊一正脊一代脊一皆二骨以並臠三胃三舉肺一祭肺三實于一鼎司士升豕右胖髀不升肩臂臠膊髀正脊一脰脊一短脊一正脊一代脊一皆二骨以並舉肺一祭肺三實于一鼎雍人倫膚九齊于一鼎司士又升魚腊魚十有五而鼎腊一純而鼎腊用麋卒齊皆設局幕乃舉陳鼎于廟門之外東方北面北上司宮尊兩鰾于房戶之間同於皆存

幕

無屏

有玄酒司宮設壘水于洗東有枓設篚于洗西

南肆改饌豆籩于房中南面如饋之設實豆籩之實

小祝設槃匱與篋巾于西階東

右實鼎及豆籩槃匱等

主人朝服即位于阼階東西面司宮筵于阼祝設几于筵上右之主人出迎鼎除鼎士盥畢主人先入司宮取二勺于篚洗之兼執以升乃啓二尊之蓋幕奠于於上加上二勺于尊覆之南柄鼎序入雍止執一七以從雍府執四七以從司士合執二俎以從司士贊者二人皆合執二俎以相從入陳鼎于東方當序南于洗西皆西面北上膚為下匕皆加于鼎東枓俎

皆設于鼎西西肆所俎在羊俎之北亦西肆宗人遣
 賓就主人皆盥于洗長柈佐食上利升牢心舌載于
 所俎心皆安下切上午割勿沒其載于所俎末在上
 舌皆切本末亦午割勿沒其載于所橫之皆如初為
 之于爨也佐食遷所俎于阼階西西縮乃反佐食二
 人上利升羊載右胖髀不升肩臂臠膊骨正脊一脰
 脊一橫脊一短脅一正脅一代脅一皆二骨以並腸
 三胃三長皆及俎拒舉肺一長終肺祭肺三皆切肩
 臂臠膊骨在兩端脊脊肺肩在上下利升豕其載如
 羊無腸胃體其載于俎皆進下司士三人升魚腊膚
 魚用鮒十有五而俎縮載右首進腴腊一純而俎亦

進下肩在上膚九而俎亦橫載革順

右舉鼎七載

卒脊祝盥于洗升自西階主人盥升自阼階祝先入
 南面主人從戶內西面主婦被錫衣侈袂薦自東房
 韭菹醢醢坐奠于筵前主婦贊者一人亦被錫衣侈
 袂執葵菹羸醢以授主婦主婦不興遂受陪設于東
 俎下利執豕俎司士三人執魚腊膚俎序升自西階
 相從入設俎羊在豆東豕亞其北魚在羊東腊在豕
 東特膚當俎北端主婦自東房執一金敦黍有蓋坐
 設于羊俎之南婦贊者執敦稷以授主婦主婦興受

坐設于魚俎南又與受贊者敦黍坐設于稷南又與受贊者敦稷坐設于黍南敦皆南首主婦與入于房祝酌奠遂命佐食啓會佐食啓會蓋二以重設于敦南主人西面祝在左主人再拜稽首祝祝曰孝孫某敢用柔毛剛鬣嘉薦普淖用薦歲事于皇祖伯某以其妃配某氏尚饗主人又再拜稽首

右迎尸之前先為陰厭
祝出迎尸於廟門之外主人降立于阼階東西面祝先入門右尸入門左宗人奉槃東面于庭南一宗人奉匱水西面于槃東一宗人奉簞中南面于槃北乃沃尸盥于槃上卒盥坐奠簞取巾興振之三以受尸

巾祝延尸尸升自西階入祝從主人升自阼階祝先入主人從尸升筵祝主人西面立于尸內祝在左祝主人皆拜妥尸尸不言尸答拜遂坐祝反南面尸取韭菹辯揆于三豆祭于豆間上佐食取黍稷于四敦下佐食取牢一切肺于俎以授上佐食上佐食兼與黍以授尸尸同受祭于豆祭上佐食舉尸牢肺正脊以授尸上佐食爾上敦黍于筵上右之主人羞所俎升自阼階置于膚北上佐食羞兩鉶取一羊鉶于房中坐設于韭菹之南下佐食又取一豕鉶于房中以從上佐食受坐設于羊鉶之南皆芼皆有柶尸扱以柶祭羊鉶遂以祭豕鉶嘗羊鉶食舉三飯上佐食舉尸牢幹

尸受振祭濟之佐食受加于所上佐食羞載兩瓦豆
 有醢亦用瓦豆設于薦豆之北尸又食食載上佐食
 舉尸一魚尸受振祭濟之佐食受加于所橫之又食
 上佐食舉尸腊肩尸受振祭濟之上佐食受加于所
 又食上佐食舉尸牢骼如初又食尸告飽祝西面于
 主人之南獨俯不拜俯曰皇尸未嘗備尸又食上佐
 食舉尸牢肩尸受振祭濟之佐食受加于所尸不飯
 告飽祝西面于主人之南主人不言拜俯尸又三飯
 上佐食受尸牢肺正脊加于所
 右尸入正祭
 主人降洗爵升北面酌酒乃醕尸尸拜受主人拜送

尸祭酒啐酒賓長羞牢肝用俎縮執俎肝亦縮進
 鹽在右尸左執爵右燕取肝揆于俎鹽振祭濟之加
 于菹豆卒爵主人拜祝受尸爵尸各拜祝酌受尸尸
 醋王人主人拜受爵尸答拜主人西面奠爵又拜上
 佐食取四敦黍稷下佐食取牢一切肺以授上佐食
 上佐食以綏祭主人左執爵右受佐食坐祭之又祭
 酒不興遂啐酒祝與二佐食皆出盥于洗入二佐食
 各取黍於一敦上佐食燕受搏之以授尸尸執以命
 祝卒命祝祝受以東北面于尸西以噉于主人曰皇
 尸命工祝承致多福無疆于女孝孫來女孝孫使女
 受祿于天宜稼于田眉壽萬年勿替引之主人坐奠

爵興再拜稽首興受黍坐振祭齊之詩懷之實于左
袂桂于季指執爵以興坐卒爵以興坐奠爵拜
尸答拜執爵以興出宰夫以遷受黍黍主人嘗之納
諸內

右主人酌尸尸酌主人命祝嘏

主人獻祝設席南面祝拜于席上坐受主人西面答
拜薦兩豆菹醢佐食設俎牢髀橫脊一短脅一腸一
胃一膚三魚一橫之腊兩髀屬于尻祝取菹揆于醢
祭于豆間祝祭俎祭酒啐酒肝牢從祝取肝揆于鹽
振祭齊之不興加于俎卒爵興主人酌獻上佐食上
佐食尸內牖東北面拜坐取爵主人西面答拜佐食

祭酒卒爵拜坐授爵興俎設于兩階之間其俎折一
膚主人又獻下佐食亦如之其胥亦設于階間西上
亦折一膚

右主人獻祝與佐食

有司贊者取爵于篚以升授主婦贊者于房戶婦贊
者受以授主婦主婦洗于房中出酌入戶西面拜獻
尸尸拜受主婦主人之北西面拜送爵尸祭酒卒爵
主婦拜祝受尸爵尸答拜易爵洗酌授尸主婦拜受
爵尸答拜上佐食綏祭主婦西面于主人之北受祭
祭之其綏祭如主人之禮不嘏卒爵拜尸答拜主婦
以爵出贊者受易爵于篚以授主婦于房中主婦洗

酌獻祝祝拜坐受爵主婦答拜于主人之北卒爵不興坐授主婦主婦受酌獻上佐食于戶內佐食北面拜坐受爵主婦西面答拜祭酒卒爵坐授主婦主婦獻下佐食亦如之主婦受爵以入于房

右主婦亞獻尸及獻祝與佐食

賓長洗爵獻于尸尸拜受爵賓尸西北面拜送爵尸祭酒卒爵賓拜祝受尸爵尸答拜祝酌授尸賓拜受爵尸拜送爵賓坐奠爵遂拜執爵以興坐祭遂飲卒爵執爵以興坐奠爵拜尸答拜賓酌獻祝祝拜坐受爵賓北面答拜祝祭酒啐酒奠爵于其筵前
右賓長獻尸及祝

主人出立于阼階上西面祝出立于西階上東面祝告曰利成祝入尸謾主人降立于阼階東西面祝先尸從遂出于廟門

右祭祀畢尸出廟

祝反復位于室中主人亦入于室復位祝命佐食徹所俎降設于堂下阼階南司宮設對席乃四人暮上佐食盥升下佐食對之賓長二人備司士進一敦黍于上佐食又進一敦黍于下佐食皆右之于席上資黍于羊俎兩端兩下是餽司士乃辯舉暮者皆祭黍祭舉主人西面三拜暮者暮者奠舉于俎皆答拜皆反取舉司士進一釶于上暮又進一釶于次暮又進

二豆渚于兩下乃皆食食舉卒食主人洗一爵升酌以授上暮贊者洗三爵酌主人受于戶內以授次暮若是以辯皆不拜受爵主人西面三拜暮者奠爵皆答拜皆祭酒卒爵奠爵皆拜主人答一拜暮者三人興出上暮止主人受上暮爵酌以醋于戶內西面坐奠爵拜上暮答拜坐祭酒啐酒上暮親嘏曰主人受祭之福胡壽保建家室主人興坐奠爵拜執爵以興坐卒爵拜上暮答拜上暮興出主人送乃退

右徹所俎行餽

儀禮經傳續卷第十八

儀禮經傳續卷第十九

祭禮三

有司徹

有司徹掃堂司宮攝酒乃熬尸俎卒熬乃升羊豕魚三鼎無腊與膚乃設扃甯陳鼎于門外如初

右徹室內之饋及熬尸俎

乃議侑于賓以異姓宗人戒侑侑出候于廟門之外司宮筵于戶西南面入筵于西序東面尸與侑北面于廟門之外西上主人出迎尸宗人擯主人拜尸答拜主人又拜侑侑答拜主人揖先入門右尸入門左侑從亦左揖乃讓主人先升自阼階尸侑升自西階

西楹西北面東上

右選侑并迎尸及侑

主人東楹東北面拜至尸答拜主人又拜侑侑答拜
乃舉司馬舉羊鼎司士舉豕鼎舉魚鼎以入陳鼎如
初雍正執一匕以從雍府執二匕以從司士合執二
俎以從司士贊者亦合執二俎以從匕皆加于鼎東
枋二俎設于羊鼎西西縮二俎皆設于二鼎西亦西
縮雍人合執二俎陳于羊俎西並皆西縮覆二疏匕
于其上皆縮俎西枋

右門外舉鼎匕俎入陳于廟門

主人降受宰凡尸侑降主人辭尸對宰授凡主人受

二手橫執凡揖尸主人升尸侑升復位主人西面左

手執凡縮之以右袂推拂凡三二手橫執凡進授尸

于筵前尸進二手受于手間主人退尸還凡縮之右

手執外廉北面奠于筵上左之南縮不坐主人東楹

東北面拜尸復位尸與侑皆北面答拜主人降洗尸

侑降尸辭洗主人對卒洗揖主人升尸侑升尸西楹

西北面拜洗主人東楹東北面奠爵答拜降盥尸侑

降主人辭尸對卒盥主人揖尸侑升主人坐取爵

酌獻尸尸北面拜受爵主人東楹東北面拜送爵主

婦自東房薦韭菹醢坐奠于筵前菹在西方婦贊者

執昌菹醢以授主婦主婦不興受陪設于南昌在東

方興取遷于房，饗黃坐設于豆西，當外列饗在東方。婦贊者執白黑以授主婦，主婦不興受，設于初遷之南。白在西方，興退。

右主人獻尸，主婦薦豆遷。

乃升司馬，牝羊亦司馬載。載右體，肩臂、肫、骼、臠、正脊、一脰、脊、一橫脊、一短脅、一正脅、一代脅、一腸、一胃、一祭肺、一載于一俎。羊肉、涪、臠、折正脊、一正脅、一腸、一胃、一濟肺、一載于南俎。司士牝豕亦司士載，亦右體、肩臂、肫、骼、臠、正脊、一脰、脊、一橫脊、一短脅、一正脅、一代脅、一膚、五濟肺、一載于一俎。侑俎、羊左肩、左肫、正脊、一膾、一腸、一胃、一切肺、一載于一俎。侑俎、豕左肩、

折正脊、一膾、一膚、三切肺、一載于一俎。阼俎、羊肺、一祭肺、一載于一俎。羊肉、涪、臂、一脊、一膾、一腸、一胃、一濟肺、一載于一俎。豕脊、臂、一脊、一膾、一膚、三濟肺、一載于一俎。主婦俎、羊左肫、脊、一膾、一腸、一胃、一膚、一濟羊肺、一載于一俎。司士牝魚亦司士載。尸俎、五魚、橫載之。侑主人皆一魚，亦橫載之。皆加臠祭于其上。

右司馬司士載俎。

卒升賓，長設羊俎于豆南，賓降尸升筵，自西方坐。左執爵，右取韭菹，換于三豆。祭于豆間，尸取饗，贊宰夫贊者取白黑以授尸。尸受兼祭于豆，祭雍人授次賓。疏匕與俎受于鼎西，左手執俎，左廉縮之，卻右手執

七枋縮于俎上以東面受于羊鼎之西司馬在羊鼎
之東二手執桃七枋以挹酒注于疏七若是者三尺
興左執爵右取肺坐祭之祭酒興左執爵次賓縮執
匕俎以升若是以授尸尸卻手授匕枋坐祭齊之興
覆手以授賓賓亦覆手以受縮匕于俎上以降尸席
末坐啐酒興坐奠爵拜告旨執爵以興主人北面于
東楹東答拜司馬羞羊肉清縮執俎尸坐奠爵興取
肺坐絕祭齊之興反加于俎司馬縮奠俎于羊清俎
南乃載于羊俎丞載俎縮執俎以降尸坐執爵以興
次賓羞羊燔縮執俎縮一燔于俎上鹽在右尸左執
爵受燔揆于鹽坐振祭齊之興加于羊俎賓縮執俎
尸升筵立于筵末

右主人獻尸

主人酌獻侑侑西楹西北面拜受爵主人在其右北
面答拜主婦薦韭菹醢坐奠于筵前醢在南方婦
者執二籩饗以授主婦主婦不興受之奠饗于醢
南蕡在饗東主婦入于房侑升筵自北方司馬橫執
羊俎以升設于豆東侑坐左執爵右取菹揆于醢祭
于豆間又取饗蕡同祭于豆祭興左執爵右取肺坐
祭之祭酒興左執爵次賓羞羊燔如尸禮侑降筵自

儀禮經卷十九
四
北方北面于西楹西坐卒爵執爵以興坐奠爵拜主人答拜

右主人獻侑

尸受侑爵降洗侑降立于西階西東面主人降自阼階辭洗尸坐奠爵于篚興對卒洗主人升尸升自西階主人拜洗尸北面于西楹西坐奠爵答拜降盥主人降尸辭主人對卒盥主人升尸升坐取爵酌司宮設席于東序西面主人東楹東北面拜受爵尸西楹西北面答拜主婦薦韭菹醢坐奠于筵前菹在北方婦贊者執二邊饗贊主婦不興受設饗于菹西北贊仕饗西主人升筵自北方主婦入于房長簣設羊俎

于豆西主人坐左執爵祭豆邊如侑之祭興左執爵右取肺坐祭之祭酒興次賓羞匕涪如尸禮席末坐啐酒執爵以興司馬羞羊肉涪縮執俎主人坐奠爵于左興受肺坐絕祭濟之興反加于涪俎司馬縮奠涪俎于羊俎西乃載之卒載縮執虛俎以降主人坐取爵以興次賓羞燔主人受如尸禮主人降筵自北方北面于阼階上坐卒爵執爵以興坐奠爵拜執爵以興尸西楹西答拜主人坐奠爵于東序南侑升尸侑皆北面于西楹西主人北面于東楹東再拜崇酒尸侑皆答再拜主人及尸侑皆升就筵
右主人受尸酢

司宮取爵于篚以授婦贊者于房東以授主婦主婦
 洗于房中出實爵尊南西面拜獻尸尸拜于筵上受
 主婦西面于主人之席北拜送爵入于房取一羊釧
 坐奠于韭菹西主婦贊者執豕釧以從主婦不與受
 設于羊釧之西興入于房取糗與服修執以出坐設
 之糗在簋西修在白西興立于主人席北西面尸坐
 左執爵祭糗修同祭于豆祭以羊釧之柶挹羊釧遂
 以挹豕釧祭于豆祭祭酒次賓羞豕匕涪如羊匕涪
 之禮尸坐啐酒左執爵嘗上釧執爵以興坐奠爵拜
 主婦答拜執爵以興司士羞豕膏尸坐奠爵興受如
 羊肉涪之禮坐取爵興次賓羞豕燔尸左執爵受燔

而羊燔之禮坐卒爵拜主婦答拜受爵酌獻侑侑
 受爵主婦主人之北西面答拜主婦羞糗脩坐奠糗
 于籩南脩在簋南脩坐左執爵取糗脩兼祭于豆祭
 司士縮執豕膏以升脩興取肺坐祭之司士縮奠豕
 膏于羊俎之東載于羊俎卒乃縮執俎以降脩興次
 賓羞豕燔脩受如尸禮坐卒爵拜主婦答拜
 右主婦亞獻
 受爵酌以致于主人主人筵上拜受爵主婦北面于
 阼階上答拜主婦設二釧與糗脩如尸禮主人共祭
 糗脩祭釧祭酒受豕匕涪拜啐酒皆如尸禮嘗釧不
 拜其受豕膏受豕燔亦如尸禮坐卒爵拜主婦北面

答拜受爵

右主婦致爵于主人

尸降筵受主婦爵以降主人降俯降主婦入于房主人立于洗東北西面俯東面于西階西南尸易爵于篚盥洗爵主人揖尸俯主人升尸升自西階俯從主人北面立于東楹東俯西楹西北面立尸酌主婦出下房西面拜受爵尸北面于俯東答拜主婦入于房司宮設席于房中南面主婦立于席西婦贊者薦韭道坐奠于筵前蒞在西方婦人贊者執饗以授婦贊者婦贊者不與受設饗于蒞西贊在饗南主婦升筵司馬設羊俎于豆南主婦坐左執爵右取菹揆

于醢祭于豆間又取饗兼祭于豆祭主婦奠爵取肺坐絕祭齊之與加于俎坐挽手祭酒啐酒次賓羞羊燔主婦興受燔如主人之禮主婦執爵以出于房西面于主人席北立卒爵執爵拜尸西楹西北面答拜主婦入立于房尸主人及俯皆就笑

右尸酢主婦

上賓洗爵以升酌獻尸尸拜受爵賓西楹西北面拜送爵尸奠爵于薦左賓降

右賓長三獻尸尸奠爵未舉

主人降洗爵尸俯降主人奠爵于篚辭尸對卒洗揖尸升俯不升主人實爵酬尸東楹東北面坐奠爵拜

尸西楹西北面答拜坐祭遂飲卒爵拜尸答拜降洗
尸降辭主人奠爵于篚對卒洗主人升尸升主人實
爵尸拜受爵主人反位答拜尸北面坐奠爵于薦左
尸俯主人皆升筵乃羞宰夫羞房中之羞于尸俯主
人主婦皆右之司士羞庶羞于尸俯主人主婦皆左
之

右主人酬尸設羞

主人降南面拜衆賓于門東三拜衆賓門東北面皆
答壹拜主人洗爵長賓辭主人奠爵于篚與對卒洗
升酌獻賓于西階上長賓升拜受爵主人在其右北
面答拜宰夫自東房薦脯醢醢在西司士設俎于豆

北羊髀一腸一胃一切肺一膚一賓坐左執爵右取
肺揆于醢祭之執爵與取肺坐祭之祭酒遂飲卒爵
執以興坐奠爵拜執爵以興主人答拜受爵賓坐取
祭以降西面坐委于西階西南宰夫執爵以從設于
祭東司士執俎以從設于薦東衆賓長升拜受爵主
人答拜坐祭立飲卒爵不拜既爵宰夫贊主人酌若
是以辯辯受爵其薦脯醢與膏設于其位其位繼上
賓而南皆東面其胥體儀也乃升長賓主人酌酢于
長賓西階上北面賓在左主人坐奠爵拜執爵以興
賓答拜坐祭遂飲卒爵執爵以興坐奠爵拜實答拜
賓降

右主人獻賓辯酌自酢

宰夫洗脾以共王人受酌降酬長賓于西階南北面
賓在左主人坐奠爵受賓○答拜坐祭遂飲卒爵拜
賓答拜主人洗賓辭主人坐奠爵于篚對卒洗升酌
降復位賓拜受爵主人拜送爵賓西面坐奠爵于薦
左

右主人洗脾酬賓賓奠薦左

主人洗升酌獻兄弟于阼階二兄弟之長升拜受爵
主人在其右各拜坐祭立飲不拜既爵皆若是以辯
辯受爵其位在北東西面北上升受爵其薦脊設于
其位其先生之薦所脅一膚一其衆儀也

右主人獻兄弟於阼階

主人洗獻內賓于房中南面拜受爵主人南面于其
右答拜坐祭立飲不拜既爵若是以辯亦有薦脊

右主人獻內賓于房中

主人降洗升獻私人于阼階上拜于下升受主人答
其長拜乃降坐祭立飲不拜既爵若是以辯宰夫贊
主人酌主人於其羣私人不答拜其位繼兄弟之南
亦北上亦有薦脊主人就筵

右王人獻私人于阼階上

尸作三獻之爵司士羞涪魚縮執俎以升尸取膾祭
祭之祭酒卒爵司士縮奠俎于羊俎南橫載于羊俎

卒乃縮執俎以降尸奠爵拜三獻北面答拜受爵酌
 獻俯俯拜受三獻北面答拜受爵酌獻俯俯拜受三
 獻北面答拜司馬羞涪魚一如尸禮卒爵拜三獻答
 拜受爵酌致主人主人拜受爵三獻東楹東北面答
 拜司士羞一涪魚如尸禮卒爵拜三獻答拜受爵尸
 降筵受三獻酌以酢之二獻西楹西北而拜受爵尸在
 其右以授之尸升筵南面答拜坐祭遂飲卒爵拜以
 答拜執爵以降實于篚

右尸作三獻之爵三獻又獻俯及主人

二人洗解升實爵西楹西北面東上坐奠爵拜執爵
 以興尸俯答拜坐祭遂飲卒爵執爵以興坐奠爵拜

尸俯答拜皆降洗升酌反位尸俯皆拜受爵舉解者
 皆拜送俯奠解于右尸遂執解以興北面于阼階上
 酬主人主人在右坐奠爵拜主人答拜不祭立飲卒
 爵不拜既爵酌就于阼階上酬主人主人拜受爵尸
 拜送尸就筵主人以酬俯于西楹西俯在左坐奠爵
 拜執爵興俯答拜不祭立飲卒爵不拜既爵酌復位
 俯拜受主人拜送主人復筵乃升長賓俯酌之如主
 人之禮至于衆賓遂及兄弟亦如之皆飲于上遂及
 私人拜受者并受下飲
 辨卒飲者實爵于篚乃羞庶羞于賓兄弟內賓及私
 人

右旅酬從尸及上下無不備

兄弟之後生者舉解于其長洗升酌降北面立于阼階南長在左坐奠爵拜執爵以興長答拜坐祭遂飲卒爵執爵以興坐奠爵拜執爵以興長答拜洗升酌降長拜受于其位舉爵者東面答拜爵止

右兄弟舉解於其長兄弟

賓長獻于尸如初無渣爵不止賓一人舉爵于尸如初亦遂之於下

右賓長獻尸次賓舉爵于尸更為旅酬

賓及兄弟交錯其酬皆遂及私人爵無筭尸出俯從主人送于庭門之外拜尸不顧拜俯與長賓亦如之

衆賓從司士歸尸俯之俎主人退有司徹

右堂下行無筭爵禮終尸俯出主人送於庭門外

若不賓尸則祝俯亦如之尸食廼盛俎臠臂肫脰脊

橫脊短脅代脅皆牢魚七腊辯無髀卒臠乃舉牢肩

尸受振祭濟之佐食受加于所佐食取一俎于堂下

以入奠于羊俎東乃據于魚腊俎俎釋二个其餘皆

取之實于一俎以出祝主人之魚腊取於是尸不飯

告飽主人拜俯不言尸又三飯佐食受牢舉如儻主

人洗酌酌尸賓羞肝皆如儻禮卒爵主人拜祝受尸

爵尸答拜祝酌授尸尸以醋主人亦如儻其綏祭其

敬亦如儻其獻祝與二佐食其位其薦胾皆如儻主

婦其洗獻于尸亦如饋

右下大夫不賓尸與賓尸異同

主婦反取邊于房中執棗糗坐設之棗在稷南糗在棗南婦贊者執栗脯主婦不興受設之栗在糗東脯在棗東主婦興反位尸左執爵取棗糗祝取栗脯以授尸尸兼祭于豆祭祭酒啐酒次賓羞牢燔用俎鹽在右尸兼取燔揆于鹽振祭齎之祝受加于所卒爵主婦拜祝受尸爵尸答拜祝易爵洗酌授尸尸以醋主婦主婦主人之北拜受爵尸答拜主婦反位又拜上佐食綏祭如饋卒爵拜尸答拜主婦獻祝其酌如饋拜坐受爵主婦主人之北答拜宰夫薦棗糗坐設

棗于菹西糗在棗南祝在執爵取棗糗祭于豆祭祭酒啐酒次賓羞燔如尸禮卒爵主人受爵酌獻二位食亦如饋主婦受爵以入于房

右主婦亞獻尸及祝主人獻二位食

賓長洗爵獻于尸尸拜受賓尸西北面答拜爵止主婦洗于房中酌致于主人主人拜受主婦尸西北面拜送爵司宮設席主婦薦韭菹醢坐設于席前菹在北方婦贊者執棗糗以從主婦不興受設棗于菹北糗在棗西佐食設俎臂脊肺皆牢膚三魚一腊臂主人左執爵右取菹揆于醢祭于豆間遂祭邊奠爵興取牢肺坐絕祭齎之興加于俎坐拱手祭酒執爵

儀禮經傳考卷之九
十一
以興坐卒爵拜主婦答拜受爵酌以醋尸內北面拜
主人答拜卒爵拜主人答拜主婦以爵入于房尸作
止爵祭酒卒爵賓拜祝受爵尸答拜祝酌授尸賓拜
受爵尸拜送坐祭遂飲卒爵拜尸答拜獻祝及二佐
食洗致爵于主人主人席上拜受爵賓北面答拜坐
祭遂飲卒爵拜賓答拜受爵酌致爵于主婦主婦北
堂司宮設席東面主婦席北東面拜受爵賓西面答
拜婦贊者薦韭菹醢菹在南方婦人贊者執棗糗授
婦贊者婦贊者不興受設棗于菹南糗在棗東佐食
設俎于豆東羊綿豕折羊脊脊祭肺一膚一魚一腊
臠主婦升筵坐左執爵右取菹揔于醢祭之祭邊奠

爵興取肺坐絕祭臠之興加于俎坐挽手祭酒執爵
興筵北東面立卒爵拜賓答拜賓受爵易爵于篚洗
酌醋于主人尸西北面拜主人答拜卒爵拜主人答
拜賓以爵降奠于篚乃羞宰夫羞房中之羞司士羞
庶羞于尸祝主人主婦內羞在右庶羞在左

右賓長獻尸祝佐食并致爵主人主婦
主人降拜衆賓洗獻衆賓其薦胾其位其酬醋皆如
饋禮主人洗獻兄弟與內賓與私人皆如饋禮其位
其薦胾皆如饋禮卒乃羞于賓兄弟內賓及私人辯
右主人獻衆賓兄弟內賓私人辯

賓長獻于尸尸醋獻祝致醋賓以爵降實于篚賓兄

儀禮經傳續卷第十九
弟交錯其醕無筭爵利沬爵獻于尸尸醋獻祝祝受
祭酒啐酒奠之主人出立于阼階上西面祝出立于
西階下東面祝告于主人曰利成祝入主人降立守
阼階東西面尸謬祝前尸從遂出于席門祝反復位
于室中祝命佐食徹尸俎佐食乃出尸俎于席門外
有司受歸之徹阼薦俎乃饗如饋卒饗有司官徹饋
饌于室中西北隅南面如饋之設右几扉用席納一
尊于室中司宮埽祭主人出立于阼階上西面祝執
其俎以出立于西階上東面司宮闔牖戶祝告利成
乃執俎以出于席門外有司受歸之衆賓出主人拜
送于席門外乃反婦人乃徹徹室中之饋

儀禮經傳續卷第十九

儀禮經傳續卷第二十九

諸侯遷廟

祭禮四

成廟將遷之新廟君前徙三日齋祝宗人及從者皆齋徙之日君玄服從者皆玄服從至于廟羣臣如朝位君入立于阼階下西向有司如朝位宗人擯舉手曰有司其請升君升祝奉幣從在左北面再拜興祝聲三曰孝嗣侯某敢以嘉幣告于皇考某侯成廟將徙敢告君及祝再拜興祝曰請導君降立於階下奉衣服者皆奉以從祝奉衣服者降堂君及在位者皆辟也奉衣服者至碑君從有司皆以次從出廟門奉衣服者升車乃步君升車從者皆就車也凡出入門

及大溝渠祝下擯至于新廟筵于戶牖間樽於西序
下脯醢陳于房中設洗當東榮南北以堂深有司皆
先入如朝位祝導奉衣服服者乃入君從奉衣服者
入門左在位者皆辟也奉衣服者升堂皆反位君從
升奠衣服于席上祝奠幣于凡東君北向祝在左贊
者盥升適房薦脯醢君盥酌奠于薦西反位君及祝
再拜興祝聲三曰孝嗣侯某敢用嘉幣告于皇考某
侯今月吉日可以徙于新廟敢告再拜君就東廂西
面祝就西廂東面在位者皆反走辟如食間擯者舉
手曰請反位君反位祝從在左卿大夫及衆有司請
在位者皆反位祝聲三曰孝嗣侯某潔為而明薦之

享君及祝再拜君反位祝徹反位擯者曰遷廟事畢
請就燕君出廟門卿大夫有司執事者皆出廟門告
事畢乃曰擇日而祭焉大戴禮
諸侯釁廟

成廟釁之以羊君玄服立于寢門內南向祝宗人宰
夫雍人皆玄服宗人曰請令以釁釁廟君曰諾遂入
雍人拭羊乃行入廟門碑南北面東上雍人舉羊升
屋自中中屋南面割羊血流于前乃降門以雞有司
當門北面雍人割雞屋下當門夾室割雞於室中有
司亦北面也既事宗人告事畢皆退反命于君君寢
門中南向宗人曰釁其廟事畢君曰諾宗人請就宴

祭五祀天子祭天下名山大川五嶽視三公四瀆視諸侯諸侯祭名山大川之在其地者註○燔柴於泰壇祭天也瘞埋於泰折祭地也用騂犢埋少牢於泰昭祭時也相近於坎壇祭寒暑也王官祭日也夜明祭月也幽宗祭星也雩宗祭水旱也四坎壇祭四方也山林川谷丘陵能出雲為風雨見怪物皆曰神有天下者祭百神諸侯在其地則祭之在其地則不祭○大凡生於天地之間者皆曰命其萬物死皆曰斫人死曰鬼此五代之所不變也○有虞氏禘黃帝而郊嚳祖顓頊而宗堯夏后氏亦禘黃帝而郊鯀祖顓頊而宗禹殷人禘嚳而郊冥祖契而宗湯周人

禘嚳而郊稷祖文王而宗武王○七代之所更立者禘郊宗祖其餘不變也○禮不王不禘王者禘其祖之所自出以其祖配之諸侯及其太祖大夫士有大事省於其君子祫及其高祖○天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢○天子禘祫禘祫嘗祫烝諸侯祫則不禘禘則不嘗嘗則不烝烝則不祫諸侯祫禘禘一禘一祫嘗祫烝祫○天下有五分地建國置都立邑設廟祧壇墀而祭之乃為親疏多少之數是故王立七廟一壇一墀曰考廟曰王考廟曰皇

考廟曰顯考廟曰祖考廟皆月祭之遠廟為祧有二
 祧享嘗乃止去祧為壇去壇為墀壇墀有禱焉祭之
 無禱乃止去墀曰鬼諸侯立五廟一壇一墀曰考廟
 曰王考廟曰皇考廟皆月祭之顯考廟祖考廟享嘗
 乃止去祖為壇去壇為墀壇墀有禱焉祭之無禱乃
 止去墀為鬼大夫立三廟二壇曰考廟曰王考廟曰
 皇考廟享嘗乃止顯考祖考無廟有禱焉為壇祭之
 去壇為鬼適士二廟一壇曰考廟曰王考廟享嘗乃
 止顯考無廟有禱焉為壇祭之去壇為鬼官師一廟
 曰考廟王考無廟而祭之去王考為鬼庶士庶人無
 廟死曰鬼淞○父為士子為天子諸侯則祭以天子

諸侯其尸服以士服父為天子諸侯子為士祭以士
 其尸服以士服○武王末受命周公成文武之德
 追王大王王季上祀先公以天子之禮斯禮也達乎
 諸侯大夫及士庶人父為大夫子為士葬以大夫祭
 以士父為士子為大夫葬以士祭以大夫中○王為
 羣姓立社曰大社王自為立社曰王社諸侯為百姓
 立社曰國社諸侯自為立社曰侯社大夫以下成羣
 立社曰置社淞○王為羣姓立七祀曰司命曰中雷
 曰國門曰國行曰泰厲曰戶曰竈王自為立七祀諸
 侯為國立五祀曰司命曰中雷曰國門曰國行曰公
 厲諸侯自為立五祀大夫立三祀曰族厲曰門曰行

適士立二祀曰門曰行庶士庶人立一祀或立戶或
立竈同○王下祭殤五適子適孫適曾孫適玄孫適
來孫諸侯下祭三大夫下祭二適士及庶人祭子而
止同○夫聖王之制祭祀也法施於民則祀之以死
勤事則祀之以勞定國則祀之能禦大菑則祀之能
捍大患則祀之是故厲山氏之有天下也其子曰農
能殖百穀夏之衰也周弃繼之故祀以為稷共工氏
之霸九州也其子曰后土能平九州故祀以為社帝
嚳能序星辰以著衆堯能賞均刑法以義終舜勤衆
事而野死鯀鄣鴻水而殛死禹能修鯀之功黃帝正
名百物以明民共財顓頊能修之契為司徒而民成

冥勤其官而水死湯以寬治民而除其虐文王以文
治武王以武功去民之菑此皆有功烈於民者也及
夫日月星辰民所瞻仰也山林川谷丘陵民所取財
用也非此族也不在祀典同

孔子曰嗚呼哀哉我觀周道幽厲傷之吾舍魯何
適矣魯之郊禘非禮也周公其衰矣祀之郊也禹
也宋之郊也契也是天子之事守也故天子祭天
地諸侯祭社稷禮○諸侯之宮縣而祭以白牡擊
玉磬朱干設錫冕而舞大武乘大路諸侯之僭禮
也臺門而旅樹反玷繡黼丹朱中衣大夫之僭禮
也諸侯不敢祖天子大夫不敢祖諸侯而公廟之

設於私家非禮也由三桓始也擲特○三家者以
雍徹子曰相維辟公天子穆穆奚取於三家之堂
論語集註朱○季氏旅於泰山子謂冉有曰女弗
能救與對曰不能子曰嗚呼曾謂泰山不如林放
乎同上

儀禮經傳續卷第二十一

儀禮經傳續卷第二十二

天神

祭禮六

大宗伯掌建邦之天神人鬼地示之禮以吉禮事邦
國之鬼神示以禋祀祀昊天上帝禘○大祝凡大禋
祀則執明水火而號祝隋釁逆牲逆尸令鐘鼓右亦
如之來瞽令臯舞相尸禮既祭令徹春○司服掌王
之吉服王祀昊天上帝則服大裘而冕祀五帝亦如
之禱○司裘掌為大裘以共王祀天之服既○大宗
伯以玉作六器以禮天地四方以蒼璧禮天牲幣放
其器之色禱○典瑞掌玉瑞玉器之藏四圭有邸以
祀天禱○玉人之事天子圭中必四圭尺有二寸以

祀天既○天子祭天地歲徧禮○祭天埽地而祭擲
 牲○祭天燔柴於泰壇用騂犢○祭天特牲禮○
 祭天地之牛角繭栗制○大祝辨六號一曰神號禮○
 ○鼓人以雷鼓鼓神祀地○大司樂以六律六同五
 聲八音六舞大合樂以致鬼神示以和邦國以諧萬
 民以安賓客以說遠人以作動物乃分樂而序之以
 祭以享以祀乃奏黃鍾歌大呂舞雲門以祀天神○
 六變而致象物及天神凡樂圜鍾為宮黃鍾為角太
 簇為徵姑洗為羽雷鼓雷鼗孤竹之管雲和之琴瑟
 雲門之舞冬日至於地上之圜丘奏之若樂六變則
 天神皆降可得而禮矣禮凡以神仕者掌三辰之灋

以猶鬼神示之居下其木物以冬日至致天神人鬼
 請○大宰祀五帝則掌百官之誓戒與其具脩前期
 十日帥執事而卜日遂戒及執事眡滌濯及納亨贊
 王牲事及祀之日贊玉幣爵之事祀大神示亦如之
 既○大宗伯凡祀大神享大鬼祭大示帥執事而卜
 日宿眡滌濯滌玉鬯省牲鑊奉玉盥詔大號治其大
 禮詔相王之大禮若王不與祭祀則攝位請
 右吳天天神之祀○辭皇皇上天照臨下土集地
 之靈降甘風雨庶物羣生各得其所靡今靡古維
 予一人某敬拜皇天之祐以禩禮
 小宗伯兆五帝於四郊四望四類亦如之請○掌次

祀五帝則張大次小次設重幣重案天○司服王服
 大裘而冕諸○大宰掌百官之誓戒與其具脩前期
 十日帥執事而卜日遂戒及執事既滌濯及納亨贊
 王牲事及祀之日贊玉幣爵之事既○大司寇若禋
 祀五帝則戒之日涖誓日官戒于百族及納亨前王
 祭之日亦如之奉其明水火既○小司寇凡禋祀五
 帝實鑊水納亨亦如之既○士師祀五帝則沃尸及
 王盥洎鑊水既○充人掌繫祭祀之牲拴祀五帝則
 繫于牢芻之三月展牲則告拴碩牲則贊既○大司
 徒祀五帝奉牛牲羞其肆既○季秋上丁命樂正入
 學習吹大饗帝嘗犧牲告備于天子既○仲夏命樂

正論鞀鞀鼓均琴瑟管簫執干戚戈羽調箏笙
 鐘磬祝敔命有司為民祈祀山川百源大雩帝
 用盛樂乃命百縣雩祀百辟卿士有益於民者以祈
 穀實既○孟春乃以元日祈穀于上帝既

右五帝上帝之祀○季康子問於孔子曰舊聞五
 帝之名而不知其實請問何謂五帝孔子曰昔丘
 也聞諸老聃曰天有五行水火金木土分時化育
 以成萬物其神謂之五帝古之王者易代而改號
 取法五行五行更二終始相生亦象其義故其為
 明王者而死配五行是以太皞配木炎帝配火黃
 帝配土少皞配金顓頊配水康子曰太皞氏其始

之亦何如孔子曰五行用事先起於木木東方萬物之初皆出焉是故王者則之而首以木德正天下其次別以所生之行轉相承也康子曰吾聞勾芒為木正祝融為火正蓐收為金正玄冥為水正后二為土正此五行之王而不亂稱曰帝者何也孔子曰凡五正者五行之官各五行佐成上帝而稱五帝太皞之屬配焉亦云帝從其號昔少皞氏之子有四叔曰重曰該曰修曰熙實能金木及水使重為勾芒該為蓐收脩及熙為玄冥顓頊氏之子曰黎為祝融共工氏之子曰句龍為后土此五者各以其所能業為官職生為上公死為貴

稱五祀不得同帝康子曰陶唐有虞夏后殷周獨不得配五帝意者德不及上古邪將有限乎孔子曰古之平治水土及播殖百穀者衆矣唯勾龍兼食於社而棄為稷神易代奉之無敢益者明不可與等故自太皞以降逮于顓頊其應五行而王數非徒五而配五帝是其德不可以多也家語○孔子曰誦詩三百不足以一獻一獻之禮不足以大饗大饗之禮不足以大旅大旅具矣不足以饗帝毋輕議禮禮○惟聖人為能饗帝易曰王用享為帝吉揚益○天子親耕染盛秬鬯以事上帝表○季冬之月命太史次諸侯之列賦之犧牲以

共皇天上帝社稷之饗凡在天下九州之民者無不咸獻其力以共皇天上帝之祀仲秋命宰祝監大合百縣之秩芻以養犧牲令民無不咸出其力以共皇天上帝以為民祈福○仲秋命宰祝循行犧牲視全具案芻豢瞻肥瘠察物色必比類量小大視長短皆中度五者備當上帝其饗命○牲享祭帝弗用御特○聖人亨以享上帝錫鼎○先王以作樂崇德殷薦之上帝以配祖考錫豫○周公宗祀文王於明堂以配上帝經○魯人將有事於上帝必先有事於類宮禮○桓公五年秋大雩左氏傳曰書不時也凡祀啓蟄而郊龍見而雩

始殺而嘗閉蟄而烝過則書○定公元年九月大雩谷梁子曰雩月雩之正也秋大雩非正也冬大雩非正也秋大雩之為非正何也毛澤未盡人力禾竭未可以雩也雩月雩之正也月之為雩之正何也其時窮人力盡然後雩雩之正也何謂其時窮人力盡是月不雨則無及矣是年不艾則無食矣是謂其時窮人力盡也雩之必待其時窮人力盡何也雩者為旱求者也求者請也古之人重請何重乎請人之所以為人者讓也請道去讓也則是舍其所以為人也是以重之焉請哉請應乎上公古之神人有應上公者通乎陰陽君親帥諸大

夫而以請焉夫請者非可託託而往也必親之者也是以重之○成公七年冬大雩谷梁子曰雩不月而時非之也冬無為雩也

因天事天因地事地因名山升中于天因吉土以饗帝于郊禮○郊之祭大報天而王日配以月黜○有虞氏禘黃帝而郊嘗夏后氏禘黃帝而郊鯨殷人禘嘗而郊冥周人禘嘗而郊稷○郊之祭迎長日之至鄉特迎長日之至也郊用辛周之始郊日以至上郊受命于祖廟作龜于禘官上之日王立于澤親聽誓命獻命庫門之內戒百官大廟之命戒百姓祭之日王皮弁以聽祭報喪者不哭不敢凶服凡婦反道

為田燭弗命而民聽上祭之日王被衮以象天戴冕璪十有一旒乘素車旂十有二旒龍章而設日月以象天先於南郊埽地而祭器用陶匏○特牲牲用騂用犢帝牛不吉以為稷牛帝牛必在滌三月稷牛唯具以掛郊○禘郊之事則有全胥國語○郊血祭義○夏后氏祭其閭殷人祭其陽周人祭日以朝及閭祭日於壇祭月於坎祭日於東祭月於西黜○節服氏郊祀表冕二人執戈送逆尸從車夏右郊祀○傳郊之禮所以事上帝也中○祭帝於郊所以定天位也禮○郊者弁百王於上天而祭之也禮○禮行於郊而百神受職焉禮○至敬

不壇埽地而祭禮○定公問於孔子曰古之帝王必郊祀其祖以配天何也孔子對曰萬物本於天人本乎祖郊之祭也大報本反始也故以配上帝天垂象聖人則之郊所以明天道也公曰寡人聞郊而莫同何也孔子曰郊之祭也迎長日之至也大報天而主日配以月故周之始郊其月以日至其日用上辛至於啓蟄之月則又祈穀于上帝此二者天子之禮也魯無冬至大郊之事降殺於天子是以不同也公曰其言郊何也孔子曰兆丘於南所以就陽位也於郊故謂之郊焉曰其牲器何如孔子曰上帝之牛角雷粟必在滌三月后稷之

牛唯具所以別事天神與人鬼也牲用騂尚赤也用犢貴誠也埽地而祭貴其質也器用陶匏以象天地之性也萬物無可稱之者故因其自然之體也公曰天子之郊其禮儀可得聞乎孔子對曰臣聞天子卜郊則受命于祖廟而作龜于禰宮尊祖親考之義也卜之日王親立于澤宮以聽誓命受教諫之義也既卜獻命庫門之內所以誠百官也將郊則天子皮弁以聽報示民嚴上也郊之日喪者不敢哭凶服者不敢入國門泥埽清路行者必止弗命而民聽敬之至也天子大裘以黼之被裘象天乘素車貴其質也旂十有二旒龍章而設以

日月所以灋天也既至泰壇王脫裘矣服衮以臨
燔柴戴冕璪十有二旒則天數也臣聞之誦詩三
百不足以一獻一獻之禮不足以大饗大饗之禮
不足以一旅大旅其矣不足以饗帝是以君子無
敢輕議於禮者也家語○孔子曰孝莫大於嚴父
嚴父莫大於配天則周公其人也昔者周公郊祀
后稷以配天宗祀文王於明堂以配上帝是以四
海之內各以其職來祭緯○尚書大傳曰維十有
三祀帝乃稱王而入唐郊猶以丹朱為尸於時百
執事咸照然乃知王世不絕爛然必自有繼祖守
宗廟之君尚書○襄公七年夏四月三十郊不從

乃免牲孟獻子曰吾乃今而後知有卜筮夫郊祀

后稷以祈農事也是故啓蟄而郊郊而後耕今既

耕而卜郊宜其不從也春秋左○僖公三十一年

夏四月四十郊不從乃免牲猶三望左氏曰卜郊

不從乃免牲非禮也猶三望亦非禮也禮不卜常

祀而卜其牲日牛卜日曰牲牲成而卜郊上怠慢

也望郊之細也不郊亦無望可也春秋左○公羊

子曰曷為或言三或言四卜三卜禮也四卜非

禮也三卜何以禮四卜何以非禮求吉之道三禘

嘗不卜郊何以卜卜郊非禮也卜郊何以非禮魯

郊非禮也魯郊何以非禮天子祭天諸侯祭上天

子有方望之事無所不通諸侯山川有不在其封
內者則不祭也曷為或言免牲或言免牛免牲禮
也免牛非禮也免牛何以非禮傷者曰牛三望者
何望祭也然則曷祭祭泰山河海曷為祭泰山河
海山川有能潤于百里者天子秩而祭之觸石而
出膚寸而合不崇朝而徧雨乎天下者唯泰山爾
河海潤于千里猶者何通可以已也何以書譏不
郊而望祭也○宣公三年春王正月郊牛之口傷
改卜牛牛死乃不郊猶三望左氏曰望郊之屬也
不郊亦無望可也○公羊子曰其言之何緩也曷
為不復卜養牲養二卜帝牲不吉則板稷牲而卜

之帝牲在于滌三月於稷者唯具也稅則曷為
必祭稷王者必以其祖配王者則曷為必以其祖
配自內出者無匹不行自外至者無主不止○穀
梁子曰之口緩辭也傷自牛作也改卜牛牛死乃
不郊事之變也乃者正乎人之辭也○成公七年
春王正月鼯鼠食郊牛角改卜牛鼯鼠又食其角
乃免牛不郊猶三望穀梁子曰不言日急辭也過
有司也郊牛日展解角而知傷展道盡矣其所以
備災之道不盡也改卜牛鼯鼠又食其角又有繼
之辭也其緩辭也曰已乎人矣非入之所能也所
以免有司之過也乃免牛乃者已乎人之辭也免

牲者為之緇衣纁裳有司玄端奉送至于南郊免
牛亦然免牲不曰不郊免牛亦然○成公十七年
九月辛丑用郊公羊子曰用者不宜用也九月非
所用郊也然則郊曷用郊用正月上辛或曰用然
後郊○穀梁子曰九月辛丑用郊夏之始可以承
春以秋之末承春之始蓋不可矣九月用郊用者
不宜用也宮室不設不可以祭衣服不修不可以
祭車馬器械不備不可以祭有司一人不備其職
不可以祭祭者薦其時也薦其敬也薦其美也非
享味也○哀公元年鼯鼠食郊牛角改卜牛夏四
月辛巳郊穀梁子曰此該郊之變而道之也於變

之中又有言焉鼯鼠令郊牛角改卜牛志不敬也
郊牛日展斛角而知傷展道盡矣郊自正月至于
三月郊之時也夏四月郊不時也五月郊不時也
夏之始可以承春以秋之末承春之始蓋不可矣
九月用郊用者不宜用也郊三卜禮也四卜非禮
也五卜強也卜免牲者言則免之不吉則否牛傷
不言傷之者傷自牛作也故其辭緩全曰牲傷曰
牛未牲曰牛其牛一也其所以為牛者異有變而
不郊故卜免牛也已牛矣其尚卜免之何也禮與
其亡也寧有嘗置之上帝矣故卜而後免之不敢
專也卜之不吉則如之何不免安置之繫而待六

月上甲始庀牲然後左右之子之所言者牲之變而曰我一諉郊之變而道之何也我以六月上甲始庀牲十月上甲始繫牲十一月十二月牲雖有變不道也待正月然後言牲之變此乃所以諉郊郊享道也貴其時大其禮其養牲雖小不備可也子不志三月卜郊何也郊自正月至于三月郊之時也我以十二月下辛卜正月上辛如不從則以正月上辛如不從則以二月下辛卜三月上辛如不從則不郊矣○哀公十三年公會吳晉盟吳人囚子服景伯景伯謂大宰曰魯將以十月上辛有事於上帝先王季辛而畢何世有職

焉春秋左氏傳

春其帝大皞其神句芒夏其帝炎帝其神祝融中央其帝黃帝其神后土秋其帝少皞其神蓐收冬其帝顓頊其神玄冥○季冬乃畢祀帝之大臣天之神祇以上禮記月令

右配帝及帝臣

掌次朝日則張大次小次設重帟重案既○大宗伯以實柴祀日月星辰諸○典瑞掌玉瑞玉器之藏辨其名物與其用事設其服飾土晉大圭執鎮圭纁藉五采五就以朝日○圭璧以祀日月星辰垺○玉人之事圭璧五寸以祀日月星辰終○天子玄端而朝

日於東門之外燕

右日月星辰○記王宮祭日夜明祭月幽宗祭星
祭○祭日於壇祭月於坎祭日於東祭月於西祭
○傳古者先王既有天下又崇立於上帝明神而
敬事之於是乎有朝日夕月以教民事君周語○
天子大采朝日與三公九卿祖識地德日中考政
與百官之政事師尹維旅牧相宣序民事少采夕
月與大史司載糾虔天刑日入監九御使絜奉禘
郊之粢盛而後即安國語○古者帝王躬率有司
百執事而以正月朝迎日于東郊所以為萬物先
而尊事天也祀上帝于南郊所以報天德迎日之

辭曰維某年月上日明光于上下勤施于四方旁
作穆穆維予一人某敬拜迎日東郊尚書○莊公
十八年日有食之穀梁子曰不言日不言朔夜食
也何以知其夜食也曰王者朝日故雖為天子必
有尊也貴為諸侯必有長也故天子朝日諸侯朝
朔

大宗伯以禋燎祀司中司命飊師雨師
右祀司中司命飊師雨師

儀禮經傳續卷第二十二

[Faint bleed-through text from the reverse side of the page, including characters like '天子祭天地', '大宗伯', and '祭禮七']

儀禮經傳續卷第二十三

地示

祭禮七

天子祭天地歲徧曲禮○大宗伯以黃琮禮地牲幣

放其器之色○典瑞兩圭有邸以祀地旅四望春○

玉人兩圭五寸有邸以祀地終○祭地瘞埋於泰折

用駢犢滌制○牛角王○大宰祀大示則掌百官

之誓戒與其具脩前期十日師執事而卜日遂戒及

執事天○大宗伯祭大示師執事而卜日宿天滌濯

之事天○大宗伯祭大示師執事而卜日宿天滌濯

涖玉天省牲鑊奉玉盥詔大號治其大禮詔相王之

大禮若王不與祭祀則攝位春○凡以神仕者掌三

辰之法以猶鬼神示之居辨其名物以夏日至致地
示物彫垺○大祝辨六號三曰示號凡祭示則執明
水火而號祝隨鬯逆牲逆尸令鐘鼓右亦如之來瞽
令臯舞相尸禮既祭令徹垺○大司樂以六律六同
五聲八音六舞大合樂以致鬼神示疏視○乃分樂
而序之以祭以享以祀疏視乃奏大簇歌應鍾舞咸
池以祭地示○一變而致羽物及川澤之示再變而
致羸物及山林之示三變而致鱗物及丘陵之示四
變而致毛物及墳衍之示五變而致介物及土示六
變而致豕物及天神○函鍾為宮太簇為角姑洗為
徵南呂為羽靈鼓靈鼗孫竹之管空桑之琴瑟咸池

之舞夏日至於澤中之方丘奏之若樂八變則地示
皆出可得而禮矣

右地示之祭○辭薄薄之士承天之神興甘風雨
庶卉百穀莫不茂者既安且寧維予一人某敬拜
下土之靈大戴冠

小司徒凡建邦國立其社稷地○小宗伯掌建國之
神位右社稷左宗廟諸○匠人營國左祖右社終○
王為羣姓立社曰大社王自為立社曰王社諸侯為
百姓立社曰國社諸侯自為立社曰侯社大夫以下
成羣立社曰置社灋○封人掌設王之社壇為畿封
而樹之凡封國設其社稷之壇封其四疆造都邑之

封域者亦如之令社稷之職地○大司徒設其社稷之壇而樹之田主各以其野之所宜木遂以名其社與其野官地○天子大社必受霜露風雨特○小子掌珥于社稷明堂○社祭土日用甲特○君南鄉於北墉下特○司服王祭社稷則各冕諸○天子祭社稷皆大牢諸侯祭社稷皆少牢註○大宗伯以血祭社稷諸○大司馬中春教振旅遂以蒐田獻禽以祭社額○管人掌其柶管而飾之凡祭祀社管用大鼗管○鼓人以靈鼓鼓社祭地舞師教收舞而舞社稷之祭祀地○肆師社之日蒞上來歲之後管○喪國之社屋之薄社北牖特○其管

勝國邑之社稷之祝號以祭祀禱祠焉諸○士師若祭勝國之社稷則為之尸誠○仲春擇元日命民社朔○州長若以歲時祭祀州社則屬其民而讀法○凡州之大祭祀蒞其事地○唯為社事單出里唯為社田國人畢作唯社丘乘共築盛特右社稷○記命降于社之謂穀地禮○社所以神地之道特○祀社於國所以列地利禮○廼立冢土戎醜攸行讎厲山氏之有天下也其子曰農能殖百穀夏之衰也周棄繼之故祀以為稷共工氏之霸九州也其子曰后土能平九州故祀以為社祭○共工氏有子曰句龍為后土后土為社稷

田正也有烈山氏之子曰柱為稷自夏以上祀之
 周棄亦為稷自商以來祀之春獻左○哀公問社
 於宰我宰我對曰夏后氏以松殷人以栢周人以
 栗曰使民戰栗子聞之曰成事不說遂事不諫既
 往不咎論語○尚書亡篇曰太社唯松東社唯柏
 南社唯梓西社唯栗北社唯槐春秋文義曰天子
 之社稷廣五文諸侯半之其色如何春秋傳曰天
 子有大社焉東方青南方赤色西方白色北方
 黑色上冒以黃土以將封東方諸侯青土苴以白
 茅援神契曰仲春以木報祭社稷以三牲通虎○
 明堂位曰春社天子之祭也春社○甫田曰以我

齊明與我犧羊以社以方詩小○雲漢曰祈年孔

夙方社不莫詩大○孟子曰民為貴社稷次之君

為輕是故得乎丘民而為天子得乎天子為諸侯

得乎諸侯為大夫諸侯危社稷則變置犧牲既成

粢盛既潔祭祀以時然而旱乾水溢則變置社稷

盡心○鄭子產伐陳入之陳侯免擁社以待於朝

春獻左○公羊子曰哀公四年六月辛丑蒲社災

蒲社者何亡國之社也社者封也其言災何亡國

之社蓋擗之擗其上而柴其下蒲社災何以書記

災也○穀梁子曰亳社者亳之社也亳亡國也亡

國之社以為廟屏戒也其屋亡國之社不得達上

也公羊疏○莊公如齊觀社曹劌諫曰不可夫禮所以正民也是故先王制諸侯使五年四王一相朝也終則講於會以正班爵之義帥長幼之序訓上下之則制財用之節其間無由荒怠夫齊棄大公之法而觀民於社君為是舉而往觀之非故業也何以訓民土發而社助時也此墻而烝納要也今齊社而往觀旅非先王之訓也天子祀上帝諸侯會之受命焉諸侯祀先王先公卿大夫佐之受事焉臣不聞諸侯之相會祀也祀又不法國語王為羣姓立七祀曰司命曰中雷曰國門曰國行曰泰厲曰戶曰竈王自為立七祀諸侯為國立五祀曰

司命曰中雷曰國門曰國行曰公厲諸侯自為立五祀大夫立三祀曰族厲曰門曰行適士立二祀曰門曰行庶士庶人立一祀或立戶或立竈祭法○小子掌祈于五祀夏官○天子諸侯大夫祭五祀歲編詳見祭法○春祀戶祭先脾夏祀竈祭先肺中央祀中雷祭先心秋祀門祭先肝冬祀行祭先腎合月○孟冬臘五祀百神祈年○大宗伯以血祭祭五祀春官○司服祭五祀則希冕同上○司門凡歲時之門受其餘地右立祀○蔡墨曰五行之官是謂五官實列受氏姓封為上公祀為貴神社稷五祀是尊是奉木正曰句芒火正曰祝融金正曰蓐收水正曰玄冥土

正曰后土獻子曰社稷五祀誰氏之五官也對曰
少皞氏有四叔曰重該曰脩曰熙實能金木及水
使重為句芒該為蓐收脩及熙為玄冥世不失職
遂濟窮桑此其三祀也顓頊氏有子犁為祝融共
工氏有子曰句龍為后土此其二祀也后土為社
稷田正也有烈山氏之子曰柱為稷自夏以上祀
之周棄亦為稷自商以來祀之春秋左氏傳祭五祀天
子諸侯以牛卿大夫以羊一說戶以羊竈以雉中
雷以豚門以大井以豕或曰中雷用牛餘不得用
豚井以魚白虎通○天子祭五祀執薦者百人侍西
房論子○王孫賈問曰與其媚於奧寧媚於竈何

謂也子曰不然獲罪於天無所禱也論語○天子
崩未殯五祀之祭不行既殯而祭其祭也尸入三
飯不侑醕不酢而已矣自啓至于反哭五祀之祭
不行已葬而祭祀畢獻而已問子
小宗伯兆四望於四郊春官○王人之事兩圭五寸有
邸以旅四望禮記○司服祀四望則毳冕禮記大司樂奏
姑洗歌南呂舞大磬以祀四望禮記○牧人望祀各以
其方之色牲毛之禮記○男巫掌望祀望行授號旁招
以茅禮記

右四望○傳僖公三十一年夏四月四卜郊不從
乃免牲猶三望左氏曰非禮也望郊之屬也不郊

亦無望可也祀神郊○公羊子曰天子祭天諸侯

祭土天子有方望之事無所不通諸侯山川有不

在其封內者則不祭也望者何望祭也然則曷祭

祭泰山河海曷為祭泰山河海山川有能潤于百

里者天子秩而祭之觸石而出膚寸而合不崇朝

而徧雨平天下者唯泰山爾河海潤于千里猶者

何通可以已也何以書譏不郊而望祭也視天○

三正記曰郊後必有望○楚昭王有疾卜曰河為

崇大夫請祭諸郊王曰三代命祀祭不越望江漢

唯漳楚之望也祠禱疾禍福之至不是過也不穀

雖不德河非所獲罪也遂弗祭去日秋左○韓宣子

謂子產曰寡君寢疾並走羣望春秋左○成王

諸侯于岐陽岐陽之陽楚為荆繼置茅絕設望表

與鮮卑守燎語

小宗伯兆山川丘陵墳衍各因其方諸○山虞若祭

山林則為主而修除且蹕地○典瑞璋邸射以祀山

川諸○玉人璋邸射素功以祀山川終○司服祀山

川則毳冕諸○大宗伯以血祭祭五嶽以狸沈祭山

林川澤坳○匏人掌供柎匏而飾之凡山川用蜃坳

○大司樂奏蕤賓歌函鍾舞大夏以祭山川坳○舞

師掌教兵舞帥而舞山川之祭祀地○孟春命祀山

林川澤犧牲毋用牝頌○仲冬天子命有司祈祀四

海大川名源淵澤并泉翎○季冬乃畢山川之祀翎
 ○天子祭天下名山大川五嶽視三公四瀆視諸侯
 其餘山川視伯小者視子男諸侯祭名山大川之在
 其地者註燂燂○天子諸侯祭山川歲徧曲禮
 右山川○記五嶽者何謂也泰山東嶽也霍山南
 嶽也華山西嶽也常山北嶽也嵩高山中嶽也五
 嶽何以視三公能大布雲雨焉能大斂雲雨焉雲
 觸石而出膚寸而合不崇朝而雨天下施德博大
 故視三公也四瀆者何謂也江河淮濟也四瀆何
 以視諸侯能蕩滌垢濁焉能適百川於海焉能出
 雲雨千里焉為施甚大故視諸侯也山川何以視

子男也能出物焉能潤澤物焉能生雲雨為恩多
 然品類以百數故視子男也書曰禋于六宗望秩
 于山川徧于羣神矣說○三王之祭川也皆先河
 而後海學○晉人將有事於河必先有事於惡池
 齊人將有事於泰山必先有事於配林禮○周公
 祀泰山召公為尸

儀禮經傳續卷第二十三

儀禮經傳續卷第二十三

齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗
○齊人饋首夏於泰山必於南門外也。○風俗

儀禮經傳續卷第二十四

百神

祭禮八

先立春三日大史謁之天子曰某日立春盛德在木
天子乃齊立春之日天子親帥三公九卿諸侯大夫
以迎春於東郊還反賞公卿諸侯大夫於朝命相布
德和令行慶施惠下及兆民慶賜遂行毋有不當先
立夏三日大史謁之天子曰某日立夏盛德在火天
子乃齊立夏之日天子親帥三公九卿大夫以迎夏
於南郊還反行賞封諸侯慶賜遂行無不欣說先立
秋三日大史謁之天子曰某日立秋盛德在金天子
乃齊立秋之日天子親帥三公九卿諸侯大夫以迎

秋於西郊還反賞軍帥武人於朝先立冬三日大史
謁之天子曰某日立冬盛德在水天子乃齊立冬之
日天子親帥三公九卿大夫以迎冬於北郊還反賞
死事恤孤寡

右迎氣

天子祭四方歲徧諸侯方祀歲徧曲禮○大宗伯以
玉作六器以禮天地四方以青圭禮東方以赤璋禮
南方以白琥禮西方以玄璜禮北方皆有牲幣各放
其器之色譜○四坎壇祭四方祭○舞師教羽舞帥
而舞四方之祭祀也○皂人掌共柎皂而飾之凡四
方用蜃凡龜事用散譜○大宗伯以龜辜祭四方譜

○季秋天子乃厲飾執弓挾矢以獵命主祠祭禽于
四方明

右四方

大司馬中秋教治兵遂以獮田羅幣致禽以祀祊顧
右祊

小宗伯兆五帝於四郊四類亦如之譜

右四類

司民三年大比以萬民之數詔司寇司寇及孟冬祀
司民之日獻其數于王王拜受之登于天府猷○小
司寇孟冬祀司民獻民數於王王拜受之同○天府
若祭天之司民司祿而獻民數穀數則受而藏之官

右司民司祿

季春天子乃薦鞠衣于先帝領

右先帝

凡始立學者必釋奠于先聖先師及行事必以幣凡
釋奠者必有合也有國故則不世子王世子○始立學者既
興器用幣然後釋菜不舞不授器乃退儻于東序一
獻無介語可也○凡學春官釋奠于其先師秋冬亦
如之世子王世子○大胥春入學舍采合舞秋頒學合聲諸
○孟春命樂正入學習舞○仲春上丁命樂正習舞
釋菜天子乃帥三公九卿諸侯大夫親往視之朔○
天子視學大昕鼓徵世子王世子眾至然後天子至乃命有

司行事興秩節祭先師先聖焉有司事卒反命始之
養也適東序釋奠於先老世子王世子

右先聖先師○記大學始教皮弁祭菜○未卜禘
不視學學記

大司樂凡有道者有德者使教焉死則以為樂祖祭
於瞽宗諸○祀先賢於西學義○司勳凡有功者銘
書於王之太常祭於大烝司勳詔之頤

右有德有功○盤庚曰古我先王暨乃祖乃父胥
及逸勤予敢動用非罰世選爾勞予不掩爾善茲
予大享于先王爾祖其從與享之作福作災予亦
不敢動用非德誥

仲春玄鳥至至之日以大牢祠于高禘天子親往后妃帥九嬪御乃禮天子所御帶以弓韉授以弓矢于高禘之前令

右高禘

古者太史順時視土陽瘳憤盈土氣震發農祥晨正日月底于天廟土乃脉發先時九日太史告稷曰自今至于初吉陽氣俱烝土膏其動弗震弗渝脉其滿膏穀乃不殖稷以告王曰史帥陽官以命我司事曰距今九日土其俱動王其祗被監農不功王乃使司徒咸戒公卿百吏庶民司空除壇于籍命農大夫咸戒農用先時五日瞽告有協風至王即齊宮百官皆

事各即其齊三日王乃溲濯饗醴及期鬱人薦鬯儀人薦醴王裸鬯饗醴乃行百吏庶民畢從及籍后稷監之膳夫農正陳藉禮太史贊王王敬從之王耕一發班三之庶人終于千畝其后稷省功太史監之司徒省民大師監之國語

右藉田

季春乃為麥祈實令孟冬天子乃祈來年于天宗大割祠于公社及門閭臘先祖五祀勞農以休息之令籥章凡國祈年于田祖餼函雅擊土鼓以樂田

稷官

右祈麥祈年

天子大蜡八歲十二月合聚萬物而索饗之也主先
 雷而祭司雷祭百種以報雷饗農及郵表畷禽獸迎
 猫迎虎祭坊與水庸曰土反其宅水歸其壑昆蟲無
 作草木歸其澤皮弁素服葛帶榛杖黃衣黃冠而祭
 大羅氏天子之掌鳥獸者也諸侯貢屬焉草笠而至
 羅氏致鹿與女而詔客告也以戒諸侯曰好田好女
 者已其國天子樹瓜華不斂藏之種也八蜡以記四
 方四方年不順成八蜡不通以謹民財也順成之方
 其蜡乃通既蜡而收民息已故既蜡君子不興功擲
 牲○籥章國祭蜡則斂函頌擊土鼓以息老物諸○
 黨正國索鬼神而祭祀則以禮屬民而飲酒于序以

正齒位官地

右蜡

大宗伯以鬯辜祭四方百物諸○鼓人凡祭祀百物
 之神鼓兵舞帔舞者詘○鬯人掌共秬鬯而飾之凡
 蹠事用散

右百物

祭時埋少牢於泰昭祭寒暑相近於坎壇灌○籥章
 掌土鼓鼗籥中春書擊土鼓斂函詩以逆暑中秋夜
 迎寒亦如之官春

右祭時祭寒暑

仲春天子乃鮮羔開米翎

右司寒。○傳昭公四年大雨雹。季武子問於申豐曰：「雹可禦乎？」對曰：「聖人在上，無雹。雖有不為災。古者日在北陸而藏冰，西陸朝覲而出之，其藏冰也，深山窮谷，固陰沍寒，於是乎取之，其出之也，朝之祿位賓食喪祭，於是乎用之，其藏之也，黑牡秬黍以享司寒，其出之也，桃弧棘矢以除其災。其出入也，時食肉之祿，冰皆與焉。大夫命婦喪浴用冰，祭寒而藏之，獻羔而啓之。公始用之火，出而畢賦，自命夫命婦至於老疾，無不受冰。山人取之，縣人傳之，輿人納之，隸人藏之，夫冰以風壯而以風出其藏之也。周其用之也，徧則冬無愆陽，夏無伏陰，春

無淒風，秋無苦雨，雷出不震，無蓄霜雹，厲疾不降，民不夭札。今藏川池之冰，棄而不用，風不越而殺，雷不發而震，雹之為蓄，誰能禦之？七月之卒章，藏冰之道也。春秋左氏傳

射人祭侯則為位，顧。○梓人祭侯之禮以酒醑醢。

右侯。○辭曰：「惟若寧侯，毋或若女，不寧侯不屬於王所，故抗而射女，強飲強食，詒女曾孫，諸侯百福。」

檉官

司燿凡祭祀則祭燿，顧。○龜人上春釁龜，祭祀先卜。

春官

右先火先卜。○傳孔子曰：「臧文仲安知禮？燔柴於

儀禮經傳卷二十四
與夫與者老婦之祭也盛於盆尊於瓶醴
天府季冬陳玉以貞來歲之徵惡諱

右卜筮

校人春祭馬祖執駒夏祭先牧頒馬攻特秋祭馬社
臧僕冬祭馬走獻馬講馭夫馭○慶人及祭馬祖祭
開之先牧坰○甸祝禱牲禱馬皆掌其祝號諱

右牲馬

黨正及四時之孟月吉日則屬民而讀邦灋以糾戒
之春秋祭禁亦如之凡其黨之祭祀教其禮事掌其
戒禁詘○族師月吉則屬民而讀邦灋春秋祭酺亦
如之甸○肆師若國有大故則令國人祭歲時之祭

祀亦如之諱

右祭酺

儀禮經傳續卷第二十五

宗廟

祭禮九

君子將營宮室宗廟為先廡庫為次居室為後下曲禮

○小宗伯掌建國之神位右社稷左宗廟辨廟祧之

昭穆春官○天子七廟三昭三穆與太祖之廟而七諸

侯五廟二昭二穆與太祖之廟而五大夫三廟一昭

一穆與太祖之廟而三士一廟庶人祭於寢註○匠

人營國方九里旁三門國中九經九緯經涂九軌左

祖右社面朝後市市朝一夫夏後氏世室堂脩二七

廣四脩一五室三四步四三尺九階四旁兩夾窻白

盛門堂三之二室三之一殷人重屋堂脩七尋堂崇

三尺四阿重屋周人明堂度九尺之筵東西九筵南
 北七筵堂崇一筵五室凡室二筵室中度以几堂上
 度以筵宮中度以尋野度以步涂度以軌廟門容大
 局七个闈門容小局叁个終○室有東西廂曰廟無
 東西廂有室曰寢廟中路謂之唐途謂之陳閉謂之
 門欄○守祧掌守先王先公之廟祧若將祭祀其廟
 則有司脩除之其祧則守祧黜聖之調禮○隸僕掌
 五寢之掃除糞洒之事祭祀脩寢夏調禮○仲春乃脩
 鬮扇寢廟畢備飭○有焚其先人之室則三日哭強
 下

右廟制○傳天子不在處大廟表○凡邑有宗廟

先君之主曰都無曰邑邑曰築都曰城春秋左氏傳○

子太叔之廟在道南其寢在道北春秋左氏傳○太廟

天子明堂明堂位○山節藻梲復廟重檐刮楹達鄉

反坫出尊崇坫康室疏屏天子之廟飾也明堂位○

清廟茅屋昭其儉也春秋左氏傳○莊公二十三年秋

丹栢宮楹穀梁子曰天子諸侯黜聖大夫蒼士莊

丹楹非禮也○莊公二十四年春列栢宮楹穀梁

子曰天子之楹斲之龍斲之加密石焉諸侯之楹斲

之龍斲之大夫斲之士斲木列楹非正也春秋穀梁傳○

國君下齊牛式宗廟曲禮上○庶子之正於公族者

公若有出疆之政庶子以公族之無事者守於公

宮正室守太廟諸父守貴宮貴室諸子諸孫守下
 宮下室世王○子貢觀於魯廟之北堂出而問孔
 子曰鄉者賜觀於太廟之北堂吾亦未既輟還復
 瞻九蓋被皆繼邪彼有說邪匠過絕邪孔子曰太
 廟之堂亦嘗有說官致良工因麗節文非無良材
 也蓋曰貴文也簡牘○魯公之廟文世室也武公
 之廟武世室也明堂○文公十三年世室屋壞公
 羊子曰世室魯公之廟也周公稱大廟魯公稱世
 室羣公稱宮此魯公之廟也曷為謂之世室世室
 猶世室也世世不毀也周公何以稱大廟于魯封
 魯公以為周公也○穀梁子曰大室屋壞者有壞

道也譏不脩也大室猶世室也周公曰大廟伯禽

曰大室群公曰宮禮宗廟之事君親割夫人親春

敬之至也為社稷之主而先君之廟壞極稱之志

不敬也公羊穀○成公三年新宮災三日哭公羊

子曰宣公之宮也曷為謂之新宮不忍言也其言

三日哭何廟災三日哭禮也○穀梁子曰三日哭

哀也其哀禮也迺近不敢稱謚恭也其辭恭且哀

以成公為無譏矣

措之廟立之主曰帝曲禮○七廟五廟無虛主虛主

者唯天子崩諸侯薨與去其國與祫祭於祖為無主

天子崩國君薨則祫取群廟之主而藏諸祖廟卒哭

成事而後主各反其廟君去其國大宰取羣廟之主
以從祫祭於祖則祝迎四廟之主主出廟入廟必蹕
問曾子○小史掌邦國之志奠繫世辨昭穆若有事則
詔王之忌諱諱○守祧掌守先王先公之廟祧其遺
衣服藏焉若將祭祀則各以其服授尸既祭則藏其
隋與其服垆○天府掌祖廟之守藏與其禁令凡國
之玉鎮大寶器藏焉若有大祭則出而陳之既事藏
之上春釁寶鎮及寶器若遷寶則奉之上○庶子之
正於公族者其在軍則守於公禰世狂
右守藏○記凡君薨卒哭而祔祔而作主特祀於
主祭嘗禘於廟春秋左○傳文公二年春王二月

丁丑作禧公主羊子曰作禧公主者何為僖公
作主也主者曷用虞主用祭練主用栗用栗者藏
主也作僖公主何以書譏不時也其不時奈何欲
久喪而後不能也○穀梁子曰立主喪主於虞吉
主於練作僖公主譏其後也作主壞廟有時日於
練焉壞廟壞廟之道易檐可也改塗可也○曾子
問曰喪有二孤廟有二主禮與孔子曰天無二日
土無二王嘗禘郊社尊無二上未知其為禮也昔
者齊桓公亟舉兵作僞主以行及反藏諸祖廟廟
有二主自桓公始也贈子○文公二年八月丁卯
大事于大廟躋僖公左氏曰遷祀也○於是夏父

弗忌為宗伯尊僖公且明見曰吾見新鬼大故鬼
小先大後小順也躋聖賢明也明順禮也君子以
為失禮禮無不順祀國之大事也而逆之可謂禮
乎子雖齊聖不先父食久矣故禹不先鯀湯不先
契文武不先不密宋祖帝乙鄭祖厲王猶上祖也
是以魯頌曰春秋匪解享祀不忒皇皇后帝皇祖
后稷君子曰禮謂其后稷親而先帝也詩曰問我
諸姑遂及伯姊君子曰禮謂其姊親而先姑也仲
尼曰臧文仲其不仁者三不知者三下展禽廢六
闕妾織蒲三不仁也作虛器縱逆祀祀爰居三不
知也○國語曰夏父弗忌為宗烝將躋僖公宗有

司曰非昭穆曰我為宗伯明者為昭其次為穆何
常之有有司曰夫宗廟之有昭穆也以次世之長
幼而等胄之親疏也夫祀昭孝也各致齊敬於其
皇祖昭孝之至也故王史書世宗祝書昭穆猶恐
其踰也今將先明而後祖自玄王以及主癸莫若
湯自稷以及王季莫若文武商周之烝也未嘗躋
湯與文武為不踰也魯未若商周而改其嘗無乃
不可乎弗聽遂躋之展禽曰夏父弗忌必有殃夫
宗有司之言順矣僖又未有明焉犯順不祥以逆
訓民亦不祥易神之班亦不祥不明而躋之亦不
祥犯鬼道二犯人道二能無殃乎○公羊子曰

大事者何大禘也大禘者何合祭也其合祭奈何
毀廟之主陳于太祖未毀廟之主皆升合食于大
祖五年而再殷祭躋者何升也何言乎升僖公譏
逆祀也其逆祀奈何先禰而後祖也○穀梁傳曰
大事者何大是事也著禘嘗禘祭者毀廟之主陳
于太祖未毀廟之主皆升合祭于太祖躋升也先
親而後祖也逆祀也逆祀則是無昭穆也無昭穆
則是無祖也無祖則無天也故曰文無天無天者
是無天而行也君子不以親親害尊尊此春秋之
義也○僖公八年秋七月禘于大廟用致天人○
左氏傳曰禘而致哀姜焉非禮也凡夫人不書于

寢不殯于廟不赴于同不附于姑則弗致也○定

公八年冬十月順祀先公而祈焉辛卯禘于僖公

春秋左氏傳公羊子曰從祀先公從祀者何順祀也文

公逆祀去者三人定公順祀者五人穀梁子曰

貴復正也左氏傳通脩穀○衛孔悝出奔宋使貳車

反禘於西園春秋左氏傳○相公二年三月公會齊侯

陳侯鄭伯于稷以成宋亂夏四月取郟大鼎于宋

戊申納于大廟非禮也臧哀伯諫曰君人者將昭

德塞違以臨照百官猶懼或失之故昭令德以示

子孫是以清廟茅屋大路越席大羹不致粢食不

鑿昭其儉也衮冕黻珽帶裳幅舄衡紱絜昭其

度也藻率鞞鞶厲游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也夫德儉而有度登降有數文物以紀之聲明以發之以照臨百官百官於是乎戒懼而不敢易紀律人滅德立違而寘其賂器於大廟以明示百官百官象之其又何誅焉國家之敗由官邪也官之失德寵賂章也部鼎在廟章孰甚焉武王克商遷九鼎于雒邑義士猶或非之而况將昭違亂之賂器於大廟其若之何公不聽春秋左氏○穀梁子曰仁內統其君外成人之亂受賂而退以事其祖非也其道以周公為弗受也部

鼎者部之所為也曰宋取之宋也以是為討之鼎也孔子曰名從主人物從中國故曰部大鼎也○

襄公六年齊侯滅萊獻萊宗器于襄宮春秋左氏傳○

自天子達於庶人喪從死者祭從生者支子不祭王制諸侯不敢祖天子大夫不敢祖諸侯祭統○有天疾者不得入乎宗廟穀梁

右祭主○傳武王末受命周公成文武之德追王

大王三季上祀先公以天子之禮斯禮也達乎諸

侯大夫及士庶人父為大夫子為士葬以大夫祭以士父為士子為大夫葬以士祭以大夫期之喪達乎大夫三年之喪達乎天子父母之喪無貴賤

祭春曰禘夏曰禘秋曰嘗冬曰烝。絜○始殺而嘗閉
螯而絜○古者先王日祭月享時類歲祀諸
侯舍日卿大夫舍月士庶人舍時○大宗伯享
大鬼帥執事而卜日○太宰享先王前期十日帥執
事而卜日

右時日○傳春祭曰祠夏祭曰禴秋祭曰嘗冬祭
曰烝春薦韭卯夏薦麥魚秋薦黍豚冬薦稻鴈三
歲一禘五年一禘禘者合也禘者諦也禘者大合
祭於祖廟也禘者諦其德而差優劣也○公
羊子曰大禘者何合祭也其禘祭奈何○陳于大祖未毀廟之主皆升合食于大祖五年而

再殷祭○相公八年正月己卯烝穀梁子曰烝冬
事也春與之志不時也夏五月丁丑烝冬事也
春夏與之黷祀也志不敬也○公羊子曰春曰祠
夏曰禴秋曰嘗冬曰烝常事不書此何以書譏亟
也亟則黷黷則不敬君子之祭也敬而不黷踈則
急急則忘士不及茲四者則冬不裘夏不葛○閔
公二年夏五月乙酉吉禘于莊公左氏曰速也○
穀梁子曰吉禘者不吉者也喪事未畢而舉吉祭
故非之也○公羊子曰言吉者未可以吉也曷為
未可以吉未三年也三年矣曷為謂之未三年三
年之喪實以二十五月其言于莊公何未可以稱

宮廟也曷為未可以稱宮廟在三年之中矣吉禘

于莊公何以書譏始不三年也春秋左傳○

襄公十五年冬十有一月晉侯周卒十六年春正

月葬晉悼公平公即位改服脩宮烝于曲沃冬穆

叔如晉聘且言齊故晉人曰以寡君之未禘祀不

然不敢忘春秋左傳○昭公元年十二月晉既烝趙

孟適南陽將會孟子餘甲辰朔烝于春秋左傳○

孟獻子曰正月日至可以有事於上帝七月日至

可以有事於祖七月而禘獻子為之也春秋左傳

太宰掌百官之誓戒前期十日帥執事而卜日遂戒

○世婦掌女宮之宿戒禮記○及時將祭君子乃齊

散齊七日致齊三日禮記○致齊於內散齊於外齊之

日思其居處思其笑語思其志意思其所樂思其所

嗜齊三日乃見其所為齊者禮記○先期旬有一日宮

宰宿夫人夫人亦散齊七日致齊三日君致齊於外

夫人致齊於內禮記

右齊戒

大宗伯享大鬼宿眠滌濯泣玉鬯省牲鑊奉玉盥禮記

○太宰享先王則掌百官之誓戒與其具脩及執事

眠滌濯禮記○世婦及祭祀比其具帥六宮之人共盥

盛禮記○寺人若有祭祀之事則帥女官而致於有司

○世婦掌祭祀之事帥女官而濯概為盥盛及祭

之日涖陳女宮之具凡內羞之物同○女御凡祭祀贊世婦同○寺人佐世婦治禮事同○閹人大祭祀之事設門燎躡宮門廟門同○宮正凡邦之事躡宮中廟中則執燭同○內豎若有祭祀之事則為內人躡同○天府凡吉凶之事祖廟之中沃盥執燭同右具脩

司服掌王之吉凶衣服辨其名物與其用事享先王則掌冕享先公則驚冕○追師掌王后之首服為副編次追衡筭為九嬪及外內命婦之首服以待祭祀天○內司服掌王后之六服禕衣揄狄闕狄鞠衣展衣緣衣素沙辨外內命婦之服鞠衣展衣緣衣素沙

凡祭祀共后之衣服及九嬪世婦凡命婦共其衣服同○王后禕衣夫人揄狄君命屈狄再命禕衣一命禮衣士祿衣唯世婦命於奠齋其他則皆從男子同右祭服

小史大祭祀讀禮灋史以書序昭穆之俎簋請○司凡筮王設莞筮紛純加縹席畫純加次席黼純左右玉几祀先王昨席亦如之諸侯祭祀席蒲筮績純加莞席紛純右雕几昨席莞筮紛純加縹席畫純凡吉事變几凶事仍几同○天府凡國之玉鎮大寶器藏焉若有大祭則出而陳之既事藏之同○典庸器祭祀帥其屬而設筭虞陳庸器同○肆師展器陳告備

同

右陳設。○記鋪筵設同几。繡。○鬼神之祭單席。

○廟堂之上壘尊在阼。犧尊在西。廟堂之下縣鼓

在西。應鼓在東。○玄酒在室。醴醢在戶。黍醢在

堂。澄酒在下。

君夫人會於大廟。君純冕立於阼。夫人副褱立於東

房。君執圭。瓚。祫尸。大宗執璋。瓚。亞裸。繡。○玉人裸圭

尺有二寸。有瓚以祀廟。○典瑞裸圭有瓚。以肆先

王。諸。○司尊彝。掌六尊六彝之位。詔其酌。辨其用。與

其實。春祠夏禴。裸。用雞彝。鳥彝。皆有舟。其朝踐用兩

獻尊。其再獻用兩象尊。皆有壘。諸臣之所昨也。秋嘗

冬烝。裸用羊彝。黃彝。皆有舟。其朝獻用兩著尊。其饋

獻用兩壺尊。皆有壘。諸臣之所昨也。凡六彝六

追享。朝尊。裸用虎彝。雉彝。皆有舟。其朝踐用兩大尊

其再獻用兩山尊。以日有壘。諸臣之所昨也。凡六彝六

尊之酌。鬱齊獻酌。醴齊縮酌。盎齊浼酌。凡酒修酌。諸

○小宗伯辨六彝之名物。以待果將。○鬯人掌共

秬鬯而飾之。廟用修。凡裸事用概。○鬱人掌裸器

凡祭祀之裸事。和鬱鬯。以實彝而陳之。凡裸玉濯之

陳之。以贊裸事。詔裸將之儀。與其節。凡裸事沃盥。○

肆師及果。築鬯。○小宰凡祭祀贊裸將之事。○

○小宗伯凡祭祀以時將瓚。○內室大祭祀后

裸獻則贊瑤爵亦如之。既。諸侯賜圭瓚然後為鬯。未賜圭瓚則資鬯於天子。註

右初獻。○記祭之屬莫重於裸。○王度記曰天

子鬯諸侯薰大夫芑蘭士蕡庶人艾秬者黑黍一

稔二米鬯者以百草之香鬱金合而釀之成為鬯

陽達於墻屋入于淵泉所以灌地降神也。玉瓚者

器名也。所以灌鬯之器也。以圭飾其柄。灌鬯貴玉

器也。通虎。○諸侯之有德者三命以秬鬯。○不得

賜鬯者資於天子。然後祭。尚。○有虞氏之祭也

尚用氣血腥爛。殷人尚聲臭味。未成滌蕩其聲樂

三闕然後出迎牲。周人尚臭。灌用鬯臭鬱合鬯灌

以圭璋既灌然後迎牲。蕭合黍稷既奠然後炳蕭

合羶薌。註。○成王以周公為有勲勞於天下命

魯公世祀周公。以天子之禮樂。是以魯君季夏

六月以禘禮祀周公於太廟。牲用白牡。尊用犧象

山罍。鬱尊用黃目。灌用玉瓚。大圭薦用玉豆。雕篋

爵用玉琖。仍雕加以璧散。璧角俎用琄。歲并歌清

廟下管。象朱干玉戚。冕而舞大武。皮弁素積。湯而

舞大夏。昧東夷之樂也。任南蠻之樂也。納夷蠻之

樂於太廟。言廣魯於天下也。註。○子曰禘自既

灌而往者吾不欲觀之矣。或問禘之說。子曰不知也。知其說者之於天下也。其如示諸斯乎。指其掌

俞○襄公二十八年十一月乙亥齊嘗于大公之廟慶舍滌事麻嬰為尸慶巢為上獻春秋左傳

祭之日君牽牲穆答君卿大夫序從既入廟門麗于

碑卿大夫袒而毛牛尚耳鸞刀以割取腓骨乃退燔

祭祭腥而退義○及迎牲君執紼卿大夫從士執芻

宗婦執盞從夫人薦洗水君執鸞刀羞齊夫人薦豆

繇○夫人薦豆執校執醴授之執鐙繇○建設朝事

燧燎羶鄉見以蕭先以報氣薦黍稷羞肝肺首心見

間以俠鯀加以鬱鬯以報鬼義○祭黍稷加肺祭齊

加明水取腓骨燧燎升首君再拜稽首肉袒親割舉

畢角詔安尸鄉特○蕭合黍稷既奠然後炳蕭合羶

鄉○廟堂之上罍尊在阼犧尊在西廟堂之下縣

在西應鼓在東君在阼夫人在房君西酌犧象夫人

東酌罍尊禮交動乎上樂交應乎下禮○貴者獻以

爵賤者獻以散尊者舉觶卑者舉角禮○玄酒在室

醴醎在戶染醴在堂澄酒在下陳其犧牲備其鼎俎

列其琴瑟管磬鐘鼓脩其祝嘏以降上神與其先祖

作其祝號玄酒以祭薦其血毛腥其俎孰其穀與其

越席疏布以冪衣其斝帛醴醎以獻薦其蟠炙君與

夫人交獻以嘉魂魄是謂合莫然後退而合亨體其

犬豕牛羊實其簠簋邊豆鉶羹祝以孝告嘏以慈告

是謂大祥禮○納牲詔於庭血毛詔於室羹定詔於

贊夫人各揚其職百官廢職服大刑明堂君親牽

牲大夫贊幣而從繅君親制祭夫人薦盞君親割

牲夫人薦酒卿大夫從君命婦從夫人禮○祭有

昭穆有事於大廟則羣昭羣穆咸在而不失其倫

祭○女子觀於祭祀納酒漿籩豆洎醢禮相助奠

則內

及入舞君親干戚就舞位君為東上冕而摠干率其

羣臣以樂皇尸繅○大司樂奏夷則歌小呂舞大濩

以享先妣奏無射歌夾鍾舞大武以享先祖諸○鼓

人以路鼓鼓鬼享地○大司樂黃鍾為宮大呂為角

大族為徵應鍾為羽路鼓路鼓陰竹之管龍門之琴

瑟九德之歌九磬之舞於宗廟之中奏之若樂九變

則人鬼可得而禮矣諸○夏擊鳴球搏拊琴瑟以詠

祖考來格虞賓在位羣后德讓下管鼗鼓合止祝啟

笙鏞以間鳥獸踳踳蕭韶九成鳳凰來儀書益

右樂舞○傳聲莫重於升歌舞莫重於武宿夜統

○尚書大傳曰古者帝王升歌清廟大琴練絃達

越大琴未絃達越以韋為鼓謂之搏拊何以也君

子有大人聲不以鍾鼓竿瑟之聲亂人聲清廟升

歌者歌先人之功烈德澤也故欲其清也其歌之

呼也曰於穆清廟於者歎之也穆者敬之也清者

欲其在位者徧聞之也故周公升歌文王之功烈

德澤苟在廟中見文王者愀然如見文王故書曰
 搏拊琴瑟以詠祖考來假此之謂也○尚書大傳
 口諸侯有德者一命以車服弓矢再命以虎賁三
 百人三命以鉅鬯諸侯三命者皆受天子之樂以
 祀其宗廟所以褒有功而章有德之義也未命者
 不得用天子之樂祀其宗廟○魯隱公五年考仲
 子之宮將萬焉公問羽數於眾仲對曰天子用八
 諸侯用六大夫四士二夫舞所以節八音而行八
 風故自八以下公從之於是初獻六羽始用六佾
 也春秋左○公羊子曰譏始僭諸公也六羽之為
 僭柰何天子八佾諸公六諸侯四○尸子曰舞

天子至諸侯皆用八佾初六羽始獻祭矣梁
 ○三家者以雍徹子曰相繼而公天子穆穆矣取
 於三家之堂論語
 祭之日一獻君降立于阼階之南南鄉所命北面史
 由君右執策命之再拜稽首以歸而舍奠于其
 廟禮記

右因祭策命○傳王命作冊命之曰王命禮記
 武王駢牛一王命作冊命之曰王命禮記
 賓殺禮成格王入之室禮記一命用公後作冊遠誥
 尸酢夫人執柄六人負尸以入禮記○膳天凡王祭祀
 則徹王之胾俎禮記○內小豆禮記后之俎禮記

右尸

夫婦相授受不相讓處雖必多爵

尸飲五君洗三爵飲卿尸飲七以疏爵獻大夫尸飲

九以特爵獻士及室有司皆以齒祭○凡賜爵昭為

一穆為一昭與昭齒穆與穆齒凡室有司皆以齒祭

○司士凡祭祀及賜爵呼昭穆而進之讓○凡為俎

者以骨為主殷人貴髀周人貴肩凡剛骨於後貴者

取貴骨賤者取賤骨貴者不重賤者不虛祭

右獻酬賜俎○傳曾子問曰祭如之何則不行旅

酬之事矣孔子曰聞之小祥者主人練祭而不旅

奠酬於宿宿弗舉禮也昔者魯昭公練而舉酬行

旅非禮也孝公大祥奠酬弗舉亦非禮也贈子

因其酒肉聚其宗族以教民睦也坊

尸謾君與卿四人餞君起大夫六人餞大夫起士八

人餞士起各執其具以出陳于堂下百官進徹之祭

其登餞受爵則以上嗣世

右餞

大祝既祭令徹請○九嬪贊后徹豆籩饌

王后薦玉豆盍豆籩及以樂徹亦如之請

以樂徹則佐傳豆籩同

與則攝而徹○大宗伯凡大祭祀王后不

右徹

索祭祝于祊鄭注○祝祭于祊祀事孔明鄭注○設祭于堂為祊鄭注○君牽牲夫人奠盞君獻尸夫人薦豆卿大夫相君命婦相夫人饔

右祊○記開謂之門繹又祭也夏曰復昨商曰彤

周曰繹禮記○禮語祝於室坐尸於堂用牲於庭升

首於室直祭祝于主索祭祝于祊不知神之所在

於彼乎於此乎或諸遠人乎祭于祊尚曰求諸遠

者與祊之為言倮也鄭注○設祭于堂為祊乎外

故曰於彼乎於此乎禮記○詔祝於室而出于祊此

交神明之道也禮記○宣公八年六月辛巳有事于

大廟仲遂卒于垂壬午猶繹○穀梁子曰繹者祭

之旦日之享賓也○公羊子曰繹者何祭之明日

也○詩曰明發不寐有懷二人文王之詩也祭之

明日明發不寐饗而致之又從而思之禮記○衛莊

公改舊制變宗廟易朝市高子罕問於孔子曰周

禮繹祭於祊祊在廟門之西前朝而後市今衛君

更之如之何孔子曰繹之於庫門內祊之於東方

市朝於西方失之矣禮記○西赤問

獻人春獻王鮪禮記○仲春天子乃鮮羔鬯水先薦寢

廟○季春天子始乘舟薦鮪于寢廟○孟夏天子乃

以琏嘗麥先薦寢廟○仲夏天子乃以雛嘗黍羞以

含桃先薦寢廟。○孟秋農乃登穀，天子嘗新，先薦寢廟。○仲秋以犬嘗，麻先薦寢廟。○季秋，天子乃以犬嘗稻，先薦寢廟。○季冬，天子乃嘗魚，先薦寢廟。○右薦新。○記：未嘗不食新穀。○四之日，其蚤獻羔祭韭。

大史正歲年以序事，頒之于官府及都鄙，頒吉朔于邦國。○天子玄端聽朔於南門之外，閏月則闔門，左扉立于其中。諸侯皮弁以聽朔於太廟，燕。

右告朔。○傳：季康子朝服以緇，曾子問於孔子曰：「禮乎？」孔子曰：「諸侯皮弁以告朔，然後服之，以視朝。若此禮者也。」○文公六年閏月不告月，猶朝于

廟。左氏曰：閏月不告朔，非禮也。閏以正時，時以作事，事以厚生，生民之道於是乎在矣。不告閏朔，非時政也。何以爲民？○穀梁子曰：不告月者，不告朔也。不告朔則何爲？不言朔也。閏月者，附月之餘日也。積分而成於月者也。天子不以告朔而喪事，不數也。猶之爲言可以已也。○公羊子曰：曷爲不告朔？天無是月也。閏月矣，何以謂之天無是月？非常月也。猶者，何通可以已也。○文公十六年夏五月，公四不視朔。○左氏曰：疾也。○穀梁子曰：天子告朔于諸侯，諸侯受乎禘廟禮也。公四不視朔，公不臣也。以公爲厭政，以甚矣。○公羊子曰：公曷爲四

不視朔公有疾也何言乎公有疾不視朔自是公
無疾不視朔也然則曷為不言公無疾不視朔有
疾猶可言也無疾不可言也○襄公二十九年春
王正月公在楚釋不朝正于廟也春傳左○子貢
欲去告朔之餼羊子曰賜也爾愛其羊我愛其禮
論語

儀禮經傳續卷第十五

程